

國立中央圖書館台灣分館



3 1111 009869858

中華民國二十三年十一月十日

國立中山大學成立十週年

新校落成紀念冊

鄒魯題



中華民國二十三年十一月十日

國立中山大學成立十週年
新校落成紀念冊

鄒魯題



本 校 創 辦 人 總 理 孫 中 山 先 生 遺 像



總 理 遺 囑

余致力國民革命凡四十年其目的
在求中國之自由平等積四十年之
經驗深知欲達到此目的必須喚起
民眾及聯合世界上以平等待我之
民族共同奮鬥

現在革命尚未成功凡我同志務
須依照余所著建國方略建國
大綱三民主義及第一次全國代
表大會宣言繼續努力以求貫
澈最近主張開國民會議及
廢除不平等條約尤須於最
短期間促其實現是所至為

中華民國十四年三月二十日

孫文

筆記者 汪精衛


證明者 宋子文

何應欽
戴恩賽
吳敬恒
何英滋
劉壽南
鄒魯

事 董 校 本



鄧 董 事 澤 如




蕭 董 事 佛 成



胡 董 事 漢 民



許 董 事 崇 清



林 董 事 雲 陔



陳 董 事 濟 棠



鄒 董 事 魯



區 董 事 芳 浦



林 董 事 翼 中

國立中山大學成立十週年及新校舍落成紀念特刊總目錄

校史

石牌新校舍記

新校雜詩

祝賀電函

祝詞

詩

賦

詞

聯

賀詞

各界贈品

論著

十週年紀念暨新校落成慶祝大會紀盛

十週年紀念各學院附校展覽大會紀盛

第四次全校運動大會紀盛

十年來本校出版書籍及刊物

編後贅言

校史

本校始名國立廣東大學，乃國父孫中山先生所躬親擘劃，於民國十三年二月，命國立廣東高等師範學校校長鄒魯將國立廣東高等師範學校、廣東公立法政專門學校、廣東公立農業專門學校合併改組，分設文、理、法、農四本科，文、理、法、農、工五預科，暨附屬初級師範、中學、小學。迨八月改組完竣，九月開學。十一月十七日，舉行廣東大學成立典禮。十四年七月，更接收廣東公立醫科大學，以爲醫科，由是規模益大。九月十日，鄒校長疊呈中央黨部暨國民政府，改爲國立中山大學。至十五年七月，改定，所以昭垂永久之紀念焉。

自廣東大學成立迄今，已歷十載矣。然遠溯諸前身原校，則廣東高師、廣東公法均已歷二十九載，廣東農專、廣東公醫均已歷二十五載。此過去悠久之歲月，胥有其炳燁之史迹可述。

清光緒三十一年六月，兩廣速成師範館成立，繼辦初級師範簡易科，旋改兩廣師範學堂。翌年改爲兩廣優級師範學堂，建新校舍於舊貢院，分設文學、史與、數理化、博物四科。四年畢業，并附設體育專修科及小學。宣統二年七月，增設附屬中學。翌年一月，又增設附屬初級師範。民國元年改爲國立廣東高等師範學校，分設文史、英語、數理化、博物四部。八年八月，增設社會科學部。十三年九月，歸併廣東大學，以爲文理兩科。

光緒三十一年廣東課吏館改爲廣東法政學堂，初辦速成科二年畢業，講習科半年畢業，隨辦別科三年畢業。宣統元年建新校舍。民國元年改爲廣東公立法政專門學校，分設法律及政治經濟兩科。四年畢業。十二年八月，改爲廣東公立法政大學。十三年九月，歸併廣東大學，以爲法科。

宣統元年廣東農林試驗場成立。翌年附設農業講習所及林業講習所，兩年畢業。民國六年八月，改爲廣東公立農業專門學校，設農學科，四年畢業。十年八月，增設林學科。十二年九月，歸併廣東大學，以爲農科。

宣統元年廣州名醫四十餘人，創立醫校於城西。翌年遷南堤。民國四年冬立案，稱廣東公立醫科專門學校，四年畢業。六年定五年畢業。十三年八月，改稱廣東公立醫科大學，六年畢業。十四年七月，歸併廣東大學，以爲醫科。

四校已合併爲廣東大學，校長鄒魯努力經營，故成立雖未在人之前，而進步獨不居人之後。時文科分設中國文學、英國文學、史學、哲學、教育學五系及高師之文史、英語、社會三部，理科分設數學、物理學、化學、生物學、地質學五系及高師之數理化、博物二部，法科分設法律學、政治學、經濟學三系及法政專門部，農科分設農藝學、林藝學、農藝化學三系及農業專門部，醫科不分系而附設第一第二醫院及護士學校，預科分文、理、法、農、醫五組。附屬初級中學、小學，依新學制辦理。校務之處理，各科置學長，預科及附校置主任，分別辦理教務，設秘書處、會計處、圖書館，分別辦理事務，組織校務會議，以評議計劃重要校務。又以工學人材重要，設工科籌備委員會，更謀造就高深人材，設法國里昂大學海外部，遣派留法學生。

十四年九月，鄒校長北上，十二月陳公博任代校長。十五年二月，設夜學專修學院。三月，褚民誼任校長。七月，國府令改爲國立中山大學。八月，經亨頤任代校長，接收廣東公立工業專門學校，以爲工業專門部。十月，改校長爲委員會，以戴傳賢爲委員長，顧孟餘副之，徐謙、丁維汾、朱家驊爲委員，舉行中山大學成立典禮。時國府令停課一學期，教職員解職重任，學生考試甄別，專修學院裁撤工專，附中撥歸廣東教育廳辦理。附小撥歸廣州教育局辦理。

十六年三月，復課，舉行中山大學開學禮。時改組秘書處爲教務處與事務管理處，改併預科之各分科爲甲乙二部。六月，復校長制，以戴傳賢爲校長，朱家驊副之。七月，改稱國立第一中山大學附中，附小仍歸附設。十七年二月，仍稱國立中山大學。九月，訂組織規程與各學院學則，將中國文學系改稱中國語言文學系，英國文學系改稱英國語言文學系，數學系改稱數學天文學系，地理學系改稱礦物地質學系，農藝學系改稱農林化學系，法科改爲法律科與政治經濟科，不分系，校務會議改爲評議會，增設理化師範部，並奉國府令組董事會，負建設發展之責。十九年十月，戴校長去任，朱副繼。二十年六月，朱校長去任，許崇清繼。法律與政經科重合爲法學院，增設社會學系於文學院，增設土木工程與化學工程二學系於理學院，改稱理工學院，廢止預科，設高中部，附中稱附屬初中。二十一年二月，許校長去任，鄒校長重長斯校。

鄒校長以舊校處市中，不適修學，曾奉總理命擇定石碑爲校舍，故回校之始，即從事建築新校，計地約一萬畝。三月，訂定建築新校之「六年計劃」，分三期籌建，共需費二十萬。四月，開始建築工兩學院。八月，重組工學院籌備委員會。九月，增設農業專修科。十月，接管廣東土壤調查所。十一月，接管廣東通志館。廿二年一月，舉行新校大募捐。五月，公佈本校組織大綱，將評議會改爲校務會議，分設文、理、法、農、工、醫六學院，暨高中、初中、小學，分置教務事務兩處及其所屬各部館。六月，公佈各學院各附校學則。八月，訂長期教授之約。十一月，舉行九週紀念。總理銅像揭幕典禮，新校舍奠基典禮，及全校展覽會運動會。廿三年二月，設新制小學實驗班，不放棄星期日假寒暑假。年分四學期，四年畢業。八月，成立工學院，分設土木工程、化學工程、機械工程、電氣工程四學系。九月，新校舍第一期工程已先後完成。農、工、法三學院乃遷往新校焉。十年來，本校規模日宏，學生日衆，而責任亦日益重。况本校爲總理所手創，於黨國關係彌切。此吾人所當自強不息，以努力於前途之猛進也。

國立中山大學新校舍記

中華民國十三年春吾黨總理孫中山先生命魯創辦國立廣東大學是年九月成立總理以原有校舍處市區不適葺修尤難發展復命魯擇定石牌為新校址甫事經營而總理竟逝本校遂易今名以資紀念十四年秋魯以清共事去職自是建校建築雖有計劃莫之實行二十年冬魯與華農學館未三月而中止廿一年春魯復長本校以新校計劃授命於總理不敏不勉力籌建終始其事乃先後請准西南政務委員會撥船來肥田料捐及洋米捐之一部為建築費復與本校不事諸董事發起募捐遂於廿二年三月興工建築於十一月十一日本校九週年紀念日行奠基禮由是年十二月始財政部復按月撥款補助本年九月止先後竣工者有總理銅像一座農學院之農學館一座簡易實驗室調桑室及附屬宿舍數座稻作場辦公室及附屬宿舍數座理學院之化學教室一座工學院之電氣工程機械工程教室一座土木工學教室一座男宿舍六座女宿舍一座膳堂二座除綠地建築物之公路外全校可通車之公路都凡七十餘里發電廠及自來水廠則尚在建築中農工法三學院則於本年秋季遷入新校開學馬現觀無工建大門石牌坊一座文學院全座法學院全座農學院之農林化學館一座園藝溫室一座農場總務股辦事處一座森林股辦事處一座農場貯藏室一座醫學館一座乳牛房一座理學院之數學天文物理教室一座園藝地質地理教室共一座工學院之化學工程教室一座工廠數座宿舍數座計明年七月可以竣工若夫禮堂圖書館博物館天文臺體育館總辦公廳農學院之林學館農林植物研究所暨種畜產職教員宿舍等與工建築則有行於明年全校建築物之位置禮堂居中左為文學院右為法學院禮堂正北為農學院其東南為理學院西南為工學院禮堂之南則總理銅像巍然在目像東為圖書館西為博物院禮堂東南高峯為天文臺臺西南則為大門門之左為稻作場禮堂之西北隅湖光瀲灩湖之東為女生宿舍舍湖之西南為醫學院調桑室男生宿舍舍則居禮堂東北隅據數平岡錯若置基教職員宿舍舍則聚成圖書館東南隅運動場游泳池則散居各處凡諸計劃使各學院等自成一區分途發展而不相妨焉以言夫形勢則白雲山環其側珠江繞其前校內岡壘起伏池沼瀟灑分劃區段以我國諸行省分名其區復因各區之岡壘池沼附以行省內山川湖澤名號使人本校者悠然生愛國之心即設使負興國之責全校占地萬餘畝除建築物外均為農場凡植竹木菓樹二百萬株育奇復闊道路至白雲山林場聯貫為一林場種樹約一百六十餘萬株不特可增河山之美麗而資全校員生之修養亦有足多焉預計五年後有收益者可得五十萬株每斤每林以一冠計則年可得五十萬元十年後三百萬株皆有收益每年每株以一元計則年可得三百餘萬元畜牧園藝尚不與焉蓋欲使向來消費之教育化為生產之教育此後理工醫各科亦將分門計劃達此目的則魯積年來之教育主張也胡總理之創辦本校也除廣州一隅外四境皆蒙當日財政復為軍人所據終排萬難而創立本校且擇石牌定為新校基其高瞻遠矚為何如哉余親承總理之教復受命計劃建築新校故不憚於世界經濟不振全國經濟不振廣東經濟不振之今日毅然決然興工建築幸復在粵諸董事及財政部長之助得以經營有成而個人恩辱進退降心從事每當困難紛沓之際此統室復復寢不安食不飽豈有他哉亦欲完成總理之付托為黨為國樹一最高學府以救中國救民族而已但作始甚簡若本總理創造本校之旨發揚而光大之則其責又諸同志及國人而應共負者也茲特乘本校成立十週年紀念又慶新校舍落成農工法三學院遷入及文法兩學院奠基之時綜厥始末記之已告成事且督厥功中華民國二十三年十一月十一日校長鄒魯謹誌并書

高安林全刻石

國立中山大學新校舍記

中華民國十三年春，吾黨總理孫中山先生生命魯創辦國立廣東大學，是年九月成立。總理以原有校舍散處市區，不適藏修，尤難發展，復命魯擇定石牌為新校址，甫事經營，而總理薨逝。本校遂易今名，以資紀念。十四年秋，魯以清共事去職，自是新校建築，雖有計劃，莫之實行。二十年冬，曾興築農學館，未三月而中止。廿一年春，魯復長本校，以新校計劃親受命于總理，不敢不勉力籌建，終始其事。乃先後請准西南政務委員會撥船來肥田料，捐及洋米捐之一部，為建築費。復與本校在粵諸董事發起募捐，遂於廿二年三月興工建築。於十一月十一日日本校九週年紀念日行奠基禮。由是年十二月始，財政部復按月撥款補助。迄本年九月止，先後竣工者有：總理銅像一座，農學院之農學館一座，簡易蠶室，調桑室，及附屬房舍數座，稻作場辦公室，及附屬房舍數座，理學院之化學教室一座，工學院之電氣工程機械工程教室共一座，土木工程教室一座，男宿舍六座，女宿舍一座，膳堂二座，除緣附建築物之公路外，全校可通車之公路都凡七十餘里。發電廠及自來水廠，則尚在建築中。農、工、法三學院，則于本年秋季遷入新校開學焉。現復興工建大門石牌坊一座，文學院全座，法學院全座，農學院之農林化學館一座，園藝溫室一座，農場總務股辦事處一座，森林股辦事處一座，農場貯藏室一座，蠶學館一座，乳牛房一座，理學院之數學天文物理教室共一座，生物地理教室共一座，工學院之化學工程教室一座，工廠數座，宿舍數座。計期明年七月可以竣工。若夫禮堂、圖書館、博物館、天文台、體育館、總辦公廳、農學院之林學館、農林植物研究所、蠶種冷藏庫、職教員宿舍等，興工建築，則有待於明年。全校建築物之位置，禮堂居中，左為文學院，右為法學院，禮堂正北為農學院，其東南為理學院，西南為工學院，禮堂之南則總理銅像巍然在目，像東為圖書館，西為博物院，禮堂東南高峯為天文台，台西南則為大門，門之左為稻作場，禮堂之西北隅，湖光瀲灩，湖之東為女生宿舍，湖之西南為蠶學館，調桑室，男生宿舍，則居禮堂東北隅，據數平岡，錯若置棋，教職員宿舍，則聚處圖書館東南隅，運動場、游泳場，則散居各處。凡茲計劃，使各學院等自成一區，分途發展，而不相妨焉。以言夫形勢，則白雲山環其側，珠江繞其前，校內岡巒起伏，池沼蕩漾，分割區段，以我國諸行省分名其區，復因各區之岡巒池沼，附以行省內山川湖澤名號，使入本校者，悠然生愛國之心，即毅然負興國之責，全校占地萬餘畝，除建築物外，均為農場。凡植竹木菓樹二百萬株，有奇。復闢道路至白雲山林場，聯貫為一，林場種樹約一百六十餘萬株，是不特可增河山之美麗，而資全校員生之修養，亦有足多焉。預計五年後，有收益者，可得五十萬株，每年每株以一元計，則年可得五十萬元。十年後，三百萬株皆有收益，每年每株以一元計，則年可得三百餘萬元。畜牧園藝，尚不與焉。蓋欲使向來消費之教育，化為生產之教育。此後理、工、醫、各科，亦將分門計劃，達此目的，是則魯積年來之教育主張也。溯總理之創辦本校也，除廣州一隅外，四境皆敵，當日財政復為軍人所據，終排萬難而創立本校，且擇石牌定為新校基，其高瞻遠矚，為何如哉。余親承總理之教，復受命計劃建築新校，故不憚於世界經濟不振，全國經濟不振，廣東經濟不振之今日，毅然決然興工建築，幸獲在粵諸董事及財政部長之助，得以經營有成，而個人忍辱邁進，降心從事，每當困難紛沓之際，輒繞室徬徨，寢不安食，不飽，豈有他哉。亦欲完成總理之付托，為黨為國，樹一最高學府，以救中國救民族而已。但作始甚簡，若本總理創造本校之旨，發揚而光大之，則其責又諸同志及國人所應共負者也。茲特乘本校成立十週年紀念，又慶新校落成，農、工、法三學院遷入，及文、法兩學院奠基之時，綜厥始末記之，已告成事，且督後功。

中華民國二十三年十一月十一日校長鄒魯謹誌并書

新校雜詩 五十首

鄒魯

作于中華民國廿三年十一月十一日。中山大學十週年紀念新校落成。農工法三學院遷校。文法兩學院奠基慶祝典禮時。

覺舍縱橫入望中。十週剛屆慶竣工。從來締造非容易。令我低徊國父功。
民國十三年春。吾黨總理孫中山先生。命余合國立廣東高等師範。廣東法政大學。廣東農

藍縷筆路啓山林。寸寸山林盡化金。樹木樹人兼樹穀。規模遠託百年心。

去歲余取管子「一年樹穀。十年樹木。百年樹人」語。署林場辦事處。額爲「三樹軒」。今秋

新校成。余書「筆路藍縷。以啓山林」。八字刻石。

親將博學數言留。行易知難此可求。今日重書示學子。


校址宏開萬畝強。跨連幾處領林場。憶昔環遊摩納可。

輿圖猶弱我宮牆。摩納可係法國南方世界上最小之國。余乘汽車半小時遊完其國。本校校址實超過其國土。

水抱山環擁禮堂。居中形勝領諸方。未能宮室百官備。

基石渾如數仞牆。全校以禮堂爲中心。禮堂未建。只立奠基石一方。

校 徽



校 歌

白雲山高 珠江水長 吾校矗立 蔚爲國光 國父手創
 遺澤餘芳 三民主義 儀型四方 民國基礎 大同梯航
 莘莘學子 濟濟一堂 學以致用 不息自強
 發揚光大 貫徹主張 懿勳勉旃 勿墮勿忘

業專門學校。爲國立廣東大學。計今成立十週年。適新校落成。

救國須培濟世才。最高學府嶺南開。當年國父兼師傅。講演三民月數來。國立廣東大學成。總理每星期來校講演三民主義。一次。今之三民主義通行本。即當日之

演講稿。而三民主義。總理又解釋爲救國主義。

爲策藏修擇地宜。石牌山水最稱奇。白雲側擁珠江繞。遠避塵囂合校基。石牌地方係國立廣東大學成立後。總理擇爲新校地址者。

好依遺教事藏修。

國立廣東大學成立時。總理書「博學之審問之慎思之明辨之篤行之」。貽本校。今秋新

校成。余重書于石。以誌遺教。此五語。楊少炯先生以爲四言。知一言。行是知難行易之旨。

十年教訓勸諸生。橫海深仇莫與京。嘗胆臥薪勾踐志。

召吳終久見功成。

去歲「九一八」余書「十年教訓」。四字。樹武彝山高處。以勵諸生。

珍重無忘共告知。

總理銅像在禮堂前。去歲九週年紀念日開幕。

行省名區寄意深。入門愛國發忠忱。於今東北輿圖變。

每到長城便痛心。

校內分區各區。以中國行省之名名之。

校萃名山地勢雄蒼翠氣蓬蓬謫仙喜夢遊吳越
我竟婆娑五岳中
校內多山以中國之名山之

處處山光接水光五湖烟景費平章愛他澗澗湖中水
不載笙歌潤稻梁
校中有水數處以中國各大湖之名之

移山填坎地成平百尺高樓拔地生得到安居思創造
一沙一石費經營
校址在山中故建築時皆須移山填坎方能成平地尤以土木

院分文法理工農全體形成恰似鐘
若網在綱毫不紊只相調洽不相衝

本校有文法理工農醫六學院醫學院仍在舊址新校祇有五學院而分布全局有

形如鐘

千間廣廈據丘岡學子莘莘盡猖狂
從此潛修欣得所切磋磨琢好成章

男女生宿舍分東西據數丘崗

蜿蜒交關路康莊蛛網縱橫達八方
若問里程得多少行來七十尙加強

本校公路除附建築物之公路外共有七十餘里

築塔臨流引水來更加鑿井近樓臺

原泉混混晝和夜學問工夫應悟哉

水塔未成之前井鑿井十數供用

工廠巍峨建築中計期煙突插天空於今閃閃電光亮
小用也經奪化工
工廠正建築發電廠亦未成現用小電機供用電

國立中山大學成立十週年及新校舍落成紀念特刊

新校雜詩

別開環境事蠶桑蠶理研求百種強自是嶺南佳氣候
一年八造繭優良
蠶桑館另在一隅其研究之蠶有百餘種而廣東育蠶每年有八造

稻作精研十數年居然成績著南天農人爭種中山白
我自鄉間聽互傳
稻作場在校南改良成績甚佳用其種能增收獲百分之三十農人爭種之中山白係改良之

一種前年余訪蔣光錦先生于東莞伊並為余親道其事

山平坎滿廣千尋無數球場壁壘森願得練成好身手
偏教勇銳見於今
理工兩院中間有球場十二其地係填成者

一心祈雨復祈晴共笑書生太不情最好日晴降雨
不妨工事不妨耕
今春建築工程因趕秋季開課每忌下雨停工同時種植甚多又忌不雨致枯一日在車上沉

吟此事不覺言曰最好日晴夜雨可兩不妨旁人聞之而笑余亦輟然

置之死地始能生豈好危言聳世驚
自是捫心忍痛語他時終自有分明

置之死地而後生係新舍建築開始時余對同事語

居然不日慶功成國庫私囊賴眾擊
多士歡顏得大庇詩章容我賦菁菁

此次建築費由西南政務委員會撥舶來肥田料捐及洋米稅一部又得財政部由去年十二月起按月撥款及海內外踴躍捐款用能第一期建築如期告成

多少樓臺計日成又從平地事經營
算來尙有千間廈莫漫思量且力行

去年三月開建農學院之農學館蠶桑室稻作場理學院之化學教室工學院之電氣工程教室機械工程教室土木工程教室及男女宿舍七座膳堂二座本年九月竣工十月建築農學院之農藝化學館溫室牛房理學院之數學天文教室生物地質地理教室工學院之化學工程教室文學院全座法學院全座及宿舍數座明年

八月可以竣工若夫禮堂天文台圖書館博物院體育館等則有待於明年至以後擴充更非可以目前預計

忍痛經營計十年四隣今竟為開筵樹人樹木求無愧
頌起與人總坦然
石牌經營之始所派員生為鄉人所毀去年及今年紀念四鄉皆送猪送酒舞獅以伸慶賀

鐘聲嘹唳講堂開濟濟員生上課來日不足時月計足



石牌新校總理銅像

寸陰是惜勉乎哉。上

把耒持鋤鎮日忙。種瓜種菜種麻桑。從今洗却空言託。

學校原來實驗場。自遷校至石牌後。學生皆加實習。工作務達手腦並用之旨。

課餘游藝各紛忙。泅泳拋球互競強。更有觀山與玩水。

三三兩兩自成行。課餘

粒粒俱從辛苦來。諸生每飯勿忘哉。

傷心中國農為本。洋米何因市滿堆。

膳堂

山居接觸自然多。諸子情懷近若何。

但願堅貞效松柏。莫教依附似藤蘿。

新校離市數十里。校內復山巒起伏。

種就青青百萬松。他年長大看成龍。

四時不斷濤聲壯。自有堅操足耐冬。

農場種松可數十萬。林場種松可百餘萬。

武彞山上是茶園。儼若雲梯接斗門。

嘗試成功莫驚怪。勝天人定是名言。

武彞山開為茶園。一級一級。有若梯焉。廣州附近不宜茶。此次種茶。係試驗。但成績甚佳。

甚佳。

綠竹春栽千萬竿。也宜作壁也宜看。他年密密成林後。

枝好編籬筍好餐。今春種竹二十萬。多植四週。已可作圍牆。又可供用。

前度栽梅補漏天。者番移種傍山巔。此花每愛衝寒放。

門雪凌霜態更妍。去春在雲山林場種梅數千株。有在洞濂寺東坡詩所云「百尺飛濤瀉漏天」處。亦踐羅

崗洞觀梅詩「也擬種梅補漏天」句。現擬移附中之梅植于新校。

佳種波羅海外來。離離結實遍山隈。諸君莫自貪奇味。

此果身中有刺堆。波羅身有刺。其種來自外國。尤以美國檀香山者為佳。

荔枝從古嶺南佳。結實纍纍傍水涯。莫羨宮中妃子笑。

尋常糯米壓同儕。糯米粳妃子笑均係荔枝名。糯米粳味最佳。妃子笑最劣。



校長鄒海濱先生

我抱情懷不自今。農場林場共種菓木三百餘萬株。五年有收益。者可得五十萬株。十年以後三百餘萬株。皆可

收益。每株收益每年以一元計。所入數已不少。

鷄舍牛房列幾行。園中猶有養豬場。叮嚀畜牧供需要。

第一先宜校富穰。本校畜牧擬先供足本校食用。

劉義將軍舊將臺。每登遺壘輒徘徊。抱薪救火傷今日。

安得干城不世才。劉義將軍即劉永福將軍。中法之戰。屢挫法師。現新校即其駐軍處。尚有遺壘數座。

入門亭額署菁菁。饑溺為懷勵各生。得豆得瓜因各種。天人一理至分明。

進校門有菁菁亭。其聯為「種瓜得瓜。種豆得豆。人溺己溺。人饑己饑。」

一亭峙立水中央。消夏曾來備酒漿。傍晚歸時輕掉槳。微波蕩漾入斜陽。

洞庭湖有一亭額曰「湖中亭」。本夏初成。張農主任曾設宴于此。

回首當時不勝情。十年樹木已繁榮。建亭合是留鴻爪。締造艱難為署名。

十週紀念日。農學院員生集資建亭于創始經營被毀處。余為書「締造艱難」四字。

禹惜寸陰陶惜分。共成日晷策精勤。此中用意殊深遠。少小無成老曷聞。

十週紀念日。法學院員生集資建日晷。

詩文字畫不嫌多。草木禽魚擬廣羅。佳種滿園飛躍趣。

篇章尤得記經過。十週年遷新校。會徵詩文字畫。并盼學生能以鄉土之草木禽魚為新校紀念。

藏拙經年戒又開。詩成五十漫敲推。琳琅珠玉佳篇什。

也許拋磚得引來。蒲留仙言「從此不作詩。是亦藏拙之一道」。余屢欲守其戒。去年至今不作詩經年矣。此次乃

吟成五十首。又破戒焉。

桃梅橙橘與黃皮。菓木培成百萬枝。四季有花兼有實。

滿車入市競居奇。本校農場之菓。市上稱佳。爭購焉。

菜根原本士夫風。廣闢蔬園菜類豐。花發滿園紅間白。

可茹可玩嘆天工。今秋廣闢菜園。全校蔬菜擬自供。

植菓培林費苦心。他時結果悉黃金。欲將教育成生產。

祝賀電函

國立中山大學鄒校長勛鑒。接感電。敬誌新校落成。舉行慶祝。緬維總理創造之精神。永勵學子無窮之景仰。雲起駿發。作全國之楷模。成德達材。收樹人之實效。鴻規翹企。雀躍莫名。特電奉復。林森。東印。

中山大學鄒校長海濱兄大鑒。奉感電。欣悉中大十週紀念。並祝新校落成。至慰。惟因公務關係。且時間急促。恐未克如願。南旋觀光。屆時當備祝詞。藉表敬意。弟孫科。世。


中山大學鄒校長偉鑒。感電奉悉。貴校為總理所手創。規畫宏遠。造就衆多。夙深敬仰。茲值新校落成。並舉行成立十週紀念。欣逢盛典。理應參加。乃以事羈。未克如願。特電佈復。並祝公綏。居正。冬。

中山大學鄒校長海濱先生惠鑒。感電敬悉。石牌校舍落成。文法兩學院奠基。凡屬同志。莫不騰歌。賢承乏有年。關懷倍切。遠聞慶典。喜躍尤殷。成立十週紀念之日。適緣事阻。不克參加。深為抱歉。特電奉賀。敬祝中山大學萬歲。全體同事同學事業學問日進無疆。弟戴傳賢。叩。魚印。

中山大學鄒校長暨全體同學惠鑒。讀校長函。敬悉本校舉行十週年紀念。不勝歡喜。總理以三民主義建立民國。亦以三民主義陶育國民。教化人類。為中國國民之父。亦為世界人類之師。自改組本黨。發起建立國民政府之年。同時即本建國以教學為先之義。創立軍

官學校與廣東大學。而鄒先生秉承總理化民成俗之苦心孤詣。努力于本大學之創設。自無而有。其艱難困苦。實足贊嘆。及總理逝世。中央即以本校為紀念

回本校努力奮勉。建樹新基。今石牌校舍已告落成。萬世不易之基礎。益加鞏固。豈獨同志聞而歡欣。亦實全國國民與世界人類之所共贊者也。惟願全體同學。從茲益加努力。矢勤矢勇。必信必忠。發揚三民主義之真諦。為全國國民世界人類樹永久之模楷。千秋萬世。永垂無疆。謹電致謝。即希公鑒。戴傳賢。蒸印。



舊校之鳥瞰

中山大學鄒校長海濱兄惠鑒。中大十週紀念。並移新校。欣讚無量。此校承總理之精神。為創造。兄及諸同人艱難努力。繼往開來。學術之光。人類之幸。舊曾巡禮。已歎宏見。茲慶落成。尤殷念頌也。賜函接奉稍遲。謹電遙祝。弟于右任。叩。寒。

中山大學鄒校長海濱兄勛鑒。感電奉悉。石牌新校落成。三院遷移。兩院奠基。同時舉行紀念慶祝。不克趨前參加。盛典為歉。除另撰文郵寄外。特此電復。弟孔祥熙。叩。齊。


鄒校長海濱兄勛鑒。感電誦悉。弟等以軍務羈身。未克躬與其盛。茲託敝部張參謀長任民代表參加。除電知外。敬以奉聞。弟李宗仁。白崇禧。叩。冬。秘印。

中山大學鄒校長鑒。感電備悉。真日盛典。祇以公允。不獲參加。已另電奉祝。王世杰。陽。

總理唯一之大學。而以總理之名名學校。從此本校學風。由一地而布于全國。於世界。此數年間。鄒校長重貴校五學院並建。規模宏遠。進展無量。茲值十週紀念。未能躬與盛典。特電馳賀。弟王世杰。佳。

中山大學鄒校長海濱先生勛鑒。貴校十週紀念。新校舍落成典禮。道遠未克參加。敬貢頌言。藉申微忱。遲日郵奉。先電奉賀。即祈察照。弟朱家驊叩。蒸。

中山大學鄒校長海濱先生勛鑒。感電奉悉。貴校為紀念。總理之唯一大學。亦為。總理手創之唯一大學。



舊 校 校 門

承。總理革命之遺志。履新奠始。邁進無疆。故園翹企。喜桃李之芬華。勝會難逢。羨黃門之瑰麗。謹電申謝。聊表忭忱。陳公博叩。世。

中山大學鄒校長勛鑒。奉感電。誦悉本月十一日為國立中山大學新校舍落成。及文法兩院行奠基典禮。並於是日成立本校十週年紀念。仰見我。總理艱難締造。奠定丕基。諸公辛苦經營。克承先志。立膠庠之廣廈。何殊樹木樹人。等磐石之永安。共咏爰居爰處。從此人文蔚起。國光發揚。遙企新型。用祝盛典。參謀本部叩。魚印。

中山大學鄒校長海濱先生勛鑒。東及啓記均奉悉。十載艱難。聿新學府。宏。總理之遺教。作兩粵之菁莪。毅力精心。曷勝欽佩。紀念之日。羈職未克參加。謹擬賀聯。藉申慶祝。容當繕正寄陳。復順唯安。惟悉荃察。弟賀耀祖叩。青科印。


中山大學鄒校長崇鑒。東函敬悉。貴校十週紀念。兼新校舍落成。各院開幕及奠基。同時舉行慶典。巽宮大啓。學舍聿新。百年樹人。千秋勸業。下風引領。忭慶莫名。謹電達悃。伏冀垂察。鄒琳叩。佳印。

廣州國立中山大學鄒校長勛鑒。感電誦悉。十一月十一日貴校舉行十週年紀念暨新校遷校奠基典禮。克承。總理遺規。完成新校工程。足以發揚文化革命精神。昭示。總理為國育才之永久紀念。黨國幸甚。人傑因公務羈身。不克恭與盛典。特電申賀。建設委員會委員長張人傑叩。昭。

國立中山大學鄒校長勛鑒。感電奉悉。貴校新舍落成。

完成。總理未竟之志。凡屬同志。靡不歡躍。敬電慶賀。並祝努力。石青陽叩。江。

廣州中山大學鄒校長海濱兄勛鑒。感電敬悉。廣廈宏開。羣英樂育。遙企鴻猷。彌深燕頤。尚電申賀。惟希垂察。賑務委員會弟許世英叩。昭。




文 學 院

中山大學鄒校長海濱先生鑒。感電奉悉。貴校新舍落成。適值十週紀念。成。總理未竟之業。培國家方新之氣。開來繼往。慘澹經營。宏奠丕基。永垂不朽。同人遠道。逖聽。徒切瞻依。臨風拜手。忻娛曷既。謹申電賀。敬祈荃察。中國國民黨湖北省黨部叩。庚。

值此十週年紀念。又逢新校落成。嶺南在望。盛典遙瞻。化雨春風。曷勝忻慶。謹此馳賀。王用賓。

國立中山大學鄒校長并轉各同人公鑒。奉讀感電。欣悉貴校遷鑄奠基。舉行慶祝盛典。緬維貴校。總理肇基。十載經營。規模宏備。既蔚為吾邦文化之中樞。乃克

廣州國立中山大學鄒校長台鑒。頃誦感電。藉悉貴校新校舍落成。並於十一月十一日成立第十週年紀念之日。舉行慶祝。逖聞之下。曷勝歡忭。總理唯一手創之大學。集四方英才而教育。發揚固有文化。黨國前途實利賴之。特電致賀。敬頌教綏。寧夏省黨務指導委員



院學理

樹為全國楷模。挽救凋敝。復興民族。黨國光榮。謹電申賀。並頌黨祺。中國國民黨直屬漢陽兵工廠藥廠區執行委員會叩。鹽印。

中山大學鄒校長勛鑒。奉讀感電。敬諭鑿舍不輪奐之美。多士展化育之基。人文蔚起。士林蒙庥。教學昌明。民族利賴。哲元迹阻。曷趨。不獲躬親盛舉。特申燕賀。用誌景仰。微忱。肅電奉復。維希亮察。宋哲元叩。世印。

中山大學鄒校長海濱先生勛鑒。感電敬悉。崇見懋啓。新校宏開。本建設之大綱。裕經營之偉畧。邁菁莪之雅化。欣看蔚起人才。煥輪奐之輝光。更見薪傳教澤。鴻猷遙企。燕賀維殷。專電奉祝。敬頌勛祺。韓復榘叩。東秘印。廣州中山大學公鑒。適奉感電。欣值貴校校舍落成紀念。美輪美奐。同軌同文。發民族之精神。擴總理之遺教。大業榮基。祇頌無量。茲製備銀盾一座。交郵寄上。至希察收。河北省政府主席于學忠叩。江未印。

國立中山大學鄒校長勛鑒。感電奉悉。貴校開辦十載。成效久著。刻校舍新建。院部擴充。上以完成總理遺志。下為全國大學模範。熱誠毅力。無任欽佩。力子供職西北。不克參與慶祝盛典。特電申賀。並頌裁成。邵力子世。

會江印。
廣州國立中山大學鄒校長請轉諸位先生勛鑒。頃奉

惠東。欣逢貴校十週紀念。並同時舉行新校落成慶祝。遠道郵傳。曷勝歡忭。嶺雲南望。無任神馳。諸位先生為本黨先進。繼續總理手創。唯一學府。化為生產教育。

國立中山大學成立十週年及新校舍落成紀念特刊

祝賀電函

諸賢繼長增高。成松茂竹苞之美。發聃盛典。永育英才。除製贈銀匾兩方。另交郵寄外。特電申賀。安徽省主席劉鎮華委員王印川馬凌甫毛龍章楊廉劉貽燕楚緯經蓑滋整杞應生叩。虞印。


中山大學鄒校長海濱先生勛鑒。奉讀感電。敬悉中山



院學醫

大學新校落成。無任慶幸。風高絳帳。永垂總理之豐功。力阮鄰潮。深賴名賢之倡導。文化日進。國勢勃興。謹申葵謝。聊表蕪心。劉湘叩。送印。

國立中山大學鄒校長海濱先生鑒。感電祇悉。貴校十週紀念。適值新舍落成。同日舉行典禮。美輪美奐。想締



附屬第一醫院

中山大學鄒校長勛鑒。感電誦悉。貴校石碑新校舍落成。繼續總理精神。發揚三民主義。翹瞻嶺表。曷罄頌私。第因政務殷繁。未克躬與盛典。特請張參謀長任民代表參加。特電奉復。敬希亮鑒。黃旭初叩。世秘印。

廣州中山大學鑒。感電誦悉。貴校新舍落成。舉行隆典。遙瞻嶺舍。莫遂趨承。引領南天。不勝慶賀。武漢大學叩。東。

中山大學鄒校長勛鑒。感電敬悉。本月十一日為貴校成立十週年紀念。兼新校落成。樹教育之宏規。建學術之重鎮。南天在望。欣忭何如。特電申賀。轉希鑒察。中央大學校長羅家倫叩。灰。

廣州中山大學鄒校長海濱先生勛鑒。感電祇悉。新舍落成。校基永固。繼總理之先志。垂學府之楷模。海天翹首。無任馳賀。肅此奉復。至希明察。國立山東大學校長趙崎叩。陷。


國立中山大學鄒校長。貴校十週年紀念。遙祝前途光大。進展無疆。天津南開大學張伯苓。

中山大學鄒校長勛鑒。感電悉。貴校新厦落成。及奠基定於十週年紀念日慶祝。大典盛會。至堪欣幸。特電馳賀。以誌微忱。北平師大校長李蒸。世。

齊。

中山大學鄒海濱校長鑒。貴校十週年紀念。盛典宏開。特電致賀。弟林文慶叩。蒸。

廣東國立中山大學校長海濱先生勛鑒。感電奉悉。貴校為總理手創唯一之學府。今既次第完成。發皇光大。遙聆吉報。佩慰良深。頃者各院同遷石碑新校。又值文法兩院奠基。真日舉行十週年紀念。敝校同人。緬盛典之難逢。歎巴渝之遠阻。鴻模在望。燕賀彌殷。聊布悃忱。尚希亮察。重慶大學校長劉湘。副校長甘績鏞。賡廣州國立中山大學鄒校長鑒。頃奉感電。敬悉貴校新校舍落成。農工法三學院遷校。文法兩學院奠基。定於



高中部


造之艱難。樹木樹人。為國家之楨幹。觀諸生此時之絃誦。緬總理在日之貽謀。遙企宏規。無任慶幸。謹電奉賀。尚希荃察。弟張羣叩。東秘。

中山大學鄒校長海濱兄勛鑒。感電敬悉。講舍煥新。樹楷模於嶺表。譽髦造就。作械樸之津梁。歲月十週。門牆千仞。勛隆黨國。慶洽士林。贊宇遙瞻。特電馳賀。順候道履。諸維惠照。何鍵。東午。

中山大學鄒校長海濱鑒。感電誦悉。貴校舉行新校舍慶典。此後菁莪森森。蔚為國華。遠道聞之。同深欣幸。惜未能躬親參與。殊為歉仄。特具電賀。順頌教祺。龍雲叩。微秘印。

十一月十一日乘十週年紀念之辰舉行慶祝。聽之餘無任欣頌。貴校爲總理手創之唯一大學。先民經營締造。草昧初開。後賢繼續恢張。規模式廓。歲月已更十度。主旨恪守三民。英才濟濟。似出谷之鶯。遷夏屋渠。作奠基之燕。賀值茲盛典。薄海同欽。引詹嶺嶠。仰駿業之聿新。遠處津沽。恨鳧趨之莫遂。肅電申賀。祇頌教祺。國立北洋工學院院長李書田叩世。

廣州中山大學鄒校長大鑒。感電敬悉。貴校校舍落成。並於十一日開十週年紀念大會。賡麟以迹阻都門。弗克躬與盛舉。深抱歉忱。謹撰祝詞。聊申賀悃。詞曰。大哉蠻舍。廣廈更新。望衡對宇。美奐美輪。庇爾多士。濟濟莘



附屬初中

莘十年教訓。爲國貞珉。緬懷總理。創造艱辛。百折不撓。去實之賓。彰我道德。宏我經綸。同人繼志。千載長春。北平私立鐵路學院院長關賡麟庚。

中山大學鄒校長海濱勛鑒。奉柬欣悉。貴校十週年紀念。并舉行新校舍落成等慶祝。弟不克參加盛典。至爲歉悵。謹此電賀。并祝進步無疆。弟馬超俊。

中山大學鄒校長海濱先生同志道鑒。貴校爲總理手創唯一之大學。讀新校舍記。至佩多年。慘澹經營。賴偉力而嘉惠學人。尤增本黨教化上之光榮。祇以章東較遲。未克修辭紀盛。謹電馳賀。特希鑒察。弟王陸一叩。蒸印。

廣州國立中山大學鄒校長海濱兄勛鑒。奉讀感電。敬悉校舍新成。院基奠定。就光景十年之回憶。著宮墻萬仞之宏規。具仰締造艱辛。紆籌瑰偉。作學府之楷。則慰總理之天靈。固不僅化美菁莪。歌興械樸已也。專電申賀。並頌教祺。弟石瑛叩。魚印。

國立中山大學鄒校長海濱先生道鑒。感電奉悉。尊處新校落成。舉行盛典。佇見遠超粵雅。閱啓規模。樂育英才。蔚成植幹。鴻烈因羈職守。未遂觀光。電貢賀忱。祇頌嘉祉。沈鴻烈叩。冬印。

中山大學鄒校長鑒。奉感電。敬悉貴校十週年紀念。適逢新校落成。同時舉行遷入典禮。惜山川阻遠。未克觀光。謹此電謝。并致歉忱。雷震叩。

國立中山大學鄒校長勛鑒。感電敬悉。貴校爲先總理所創。此次校舍落成。廣廈庇歡。爲國儲才。無任欣賀。惟未克躬親參加。歉仄無已。專伸賀悃。敬候道安。馬麟



附屬小學

叩。世印。

中山大學鄒校長勛鑒。頃傳電訊。欣悉校舍落成。適屆成立十週之期。際此良辰。宏閱盛典。嘉賓即歌。式燕多士。尤慶登龍。思源曾列講席。忝屬校友。公務羈絆。不獲參加。敬表賀忱。並伸歉悃。山東教育廳長何思源叩。陷印。

中山大學鄒校長海濱先生勛鑒。感電奉悉。貴校乃總理所手創。爲全國革命化之最高學府。文化中心。人才輩出。茲值新校舍落成。慶祝十週紀念。鴻烈以公務羈身。不克參加盛典。歉甚。遙維峻宇輪奐。永奠閎基。前途發展。定如臆祝。肅電敬賀。并頌助祺。山東省建設廳長張鴻烈叩。世印。

中山大學鄒校長海濱先生鑒。奉讀感電。敬悉奠基遷校。同時舉行。並定真日為十週紀念。廣廈落成。頓成金碧之象。人文大起。蔚為楨幹之材。濟濟冠裳。一堂聚集。恢宏。總理開創之業。樹立今後革命之基。翹企嶺南。心佩無似。惟恨跡阻。未能躬與盛典。謹電馳賀。順頌道安。貴州省政府委員兼財政廳廳長鄭先辛叩。冬印。

台安。

弟王正廷啓

此致

國立中山大學

國立北平大學啓

中山大學鄒校長大鑒。貴校十週紀念。特電奉賀。朱盜聲。

國立中山大學鄒校長鑒。貴校十週紀念。並踵各種慶典。繼往開來。遙申慶祝。嚴智怡。蒸。

海濱先生道鑒。久睽。雅範。時切瞻依。頃奉。大示。敬悉。十一月十一日。

為。貴校十週紀念。舉行慶祝。並徵詩文。本當遵。囑投稿。聊表賀忱。奈來件係由南京轉遞。寄收到時。業已逾期。有負。雅意。至為悵歎。謹以佈聞。並頌。勛祺。

薛篤弼謹啓

海濱先生惠鑒。頃奉。環箋。祇悉本月十一日為。中

山大學十週紀念暨新校舍落成等典禮。碩謀宏展。

並提倡生產教育。可勝企佩。惟弟接束已逾期日。未克如囑為專刊獻詞。特修寸泐。專以奉賀。並祝

邁進無量。此請



天文台

逕復者。頃接。大函。敬悉。一是本月十一日。貴校舉行石牌新校舍落成。及農理工文法各學院開幕遷校奠基典禮。前准感電。當經電請張參謀長任民就近參加。並電復查照。旭初以政務紛繁。未克躬參盛典。五羊

敬啓者。頃奉感電。敬悉。貴大學新舍落成。三院遷校。兩院奠基。統於十一月十一日成立十週年紀念日。舉行慶祝。並囑屆時蒞臨。用誌隆典。素欽。貴校規模宏大。設備充實。久欲觀光。以資借鏡。矧值華厦鼎新。棟宇翬飛。遷喬經始。同時並舉。承。雲翰以下逮。益葵向而馳思。惟校務羈身。未能親詣。雖切瞻韓之願。苦無御。李之緣。五中歉仄。莫可言宣。謹具蕪箋。聊表區區。專肅致賀。敬頌。勛祺。此上。鄒校長。

河南大學校長杜俊

海濱仁兄校長惠鑒。久隔。丰儀。時深葭湖。比聞。貴校新校舍落成。並舉行十週紀念。想見。渠渠夏屋。巒舍成壯麗之觀。濟濟英才。多士受

引領。曷罄頌私。端此布復。並希亮察。此致

國立中山大學校

黃旭初復啓

熏陶之益。雲天在望。欣忭奚如。弟以遠隔。未克參加盛會。至深歉悵。除具菲禮。另行郵遞外。專此道賀。並希轉達。貴校師生為荷。順頌。教綏。

敬覆者。接奉感電。祇悉十一月十一日為。貴校成立十週年紀念。毋任忭頌。行見黨化所施。不展三民主義

新猷式煥。尤為全國楷模。肅函申賀。敬希。鑒察。為荷。

弟黎照實敬啓

海濱先生偉鑒。前奉。華翰。恭悉。貴校新校舍落成。



圖 書 館

海濱校長先生道席。奉誦函東。敬悉。貴校新校舍落成在即。同時並舉行十週年紀念。沛鴻亟願親與典禮。以申賀忱。奈因公務蝟集。無法暫離。謹以廣西普及國民基礎教育研究院名義。撰聯致賀。並於君勵先生乘飛機東行之便。拜托攜贈。藉表區區微意。伏維亮察。順候起居。

雷沛鴻

海濱先生道席。昨奉惠函。敬悉。貴校落成。聞之至為欣慰。先總理創業垂統。首重教育。實屬扼要以圖。我公毅力熱心。仰承遺志。經營締造。厥功甚宏。將來人材層出不窮。即國家前途之福。勉貢俚句。敬祈察存。祇頌台綏。

弟王典章啓

良堪慶賀。惟以山河迄遠。不克躬與盛會。實覺悻悻。今僅寄上紀念品一端。區區之意。聊表寸衷耳。俟後尚希時賜教言。以匡不逮。則幸甚矣。肅此敬請鐸安。

北平燕京大學新聞學系主任梁士純頓

敬啓者。頃奉惠柬。欣審貴校布絃歌之雅化。樹黨國之閱規。以十周紀念之辰。舉校舍落成之典。循環維誦。佩嚮良深。維熾遠道羈身。徒懷燕賀。維桑在望。仍阻晷趨。專具蕪牋。敬申祝悃。祇頌教祺。

劉維熾謹啓

國立中山大學成立十週年及新校舍落成紀念特刊

祝賀電函

專此奉復。敬頌勛祺。

弟韋雲淞
陳濟桓拜啓

海濱校長勛座。頃奉大柬等件。敬悉。貴校新成。普天同慶。荷承寵召。榮藉莫名。不料弟秋溽侵軀。采薪抱慮。未克如期趨賀。心甚懸懸。謹函陳明。敬祈垂諒。專肅敬頌勛祺。

黃廣田頓

海濱校長賜鑒。敬啓者。展誦感電。敬悉校宇新成。并乘十一月十一日成立紀念之期。舉行慶祝。佳音迭聽。遐邇同欣。竊念貴校為總理手創之最高學府。茲值黌堂建築。輪奐一新。遠企鴻猷。莫名忭賀。專肅敬頌道安。

程時燿敬啓

海濱校長勛鑒。敬啓者。昨於桂林軍次讀大函。敬悉貴校慶典。重重規模。宏大至為欣慕。只因出發剿共。在途未及依期踵。校參加。同伸慶祝。殊覺歉仄。無似也。



古 物 陳 列 所

祝詞

慶祝國立中山大學成立十週年紀念暨

新校落成典禮

總理於民國十三年春命鄒校長魯立大學於廣州且議遷校越十年新校成農工法三學院徙焉功程九似知創始之維艱板築萬夫觀落成之勝况水四瀛而山五嶽俾此壯觀前蕪圃而後書城茲茲廣廈蓋非常之制作亦希有之楷模紹儀等躬逢其盛謹為之頌曰

翳維總理建國弘規百年樹人奠我邦基敷化南國光湧曙曦作育英才攸叙倫彝學無常師士先器識物質精神建中立極學海汪洋各致其力屹屹孜孜藏修游息石渠天祿温室高臺稻作調桑林木新栽文法理工璀璨瓊瑰巍巍銅像瞻仰徘徊師聖扶教賁華茂實取多用弘惟精惟一勵德樹聲瓌材輩出億萬斯年堂構貞吉

西南政務委員會

唐紹儀 陳濟棠
蕭佛成 李宗仁 敬祝
鄧澤如 鄒魯

又

孫科敬祝


黨國肇建軍事孔殷維時艱虞總理憂勤眷懷教育陶鑄羣倫手創大學造士成均親臨演講啓迪諄諄遺愛紀念學子莘莘日月云邁十易冬春石牌新校廣廈連雲顧名思義服膺三民繼武前烈振起國魂發揚光大積久彌新前途璀璨南斗北辰摘詞申祝勗我邦人

又

孔祥熙敬頌

建設國家之急務莫大於培植社會需要之人才民國十三年總理創立大學於廣州並計畫以石牌地址建築新校大業未成中道

乘捐校長鄒君海濱與吾黨同人繼總理之志兢兢焉罔敢失墜值國家多難經費不能以時集鄒君海濱亦因事離校十八年中央議決組設董事會核定經常建築各費二十一年鄒君再任校長十二年祥熙接管度支鄒君數以校款相商雖處極艱難之中仍勉力籌撥其年之內達壹百餘萬元新校工程得以進行不怠本年十一月十一日為大學十週年紀念之期同時舉行新校落成及農理



學生宿舍

工三學院開幕農工法三學院遷校文法兩學院奠基諸慶典總理未竟之遺志與吾黨紀念總理之宏願幸底於成此固由於吾黨同人努力以赴而鄒君力任艱鉅慘澹經營之勞尤所共仰余維吾國近年農村凋瘵百業摧殘非明農勸工發展生產抑制外物未足以言救亡圖存今觀鄒君施教之次第首農工而後文法已深得時代教育之精神且讀所為記校址占地萬餘畝除建築物外均關

為農場植竹木果樹二百萬株計年而食其利尤能開生產教育之風氣祥熙既喜總理大學之成而益佩鄒君之計劃精詳足以挽時弊而宏化育也因不辭諂陋而為之頌其辭曰

惟天立極赫矣神臯明農宏教肇自虞姚千祀凌夷遷流不復自非賢豪孰挽顛覆萬國環伺瀛海大通鷹虎麟視以爭長雄智角力爭匪學何殖嗟我顯蒙奚適弗躡惟我先覺允聖允神宏茲大業曰惟樹人既度石牌肇建新宇中道棄捐未竟厥緒堂堂鄒君吾黨之英力肩鉅任克底於成堂室巍峩美哉庠序農工既設文法維舉曰吾立國稼穡是劬闢地萬畝以為農區以栽以培羣材用植大木之需嘉禾之實多士既集式舞且歌顧瞻後來遺大投艱厥用惟宏作始匪簡廣雅菊坡其則不遠川原雖阻通以精誠陳詞作頌振我大聲

又

何應欽敬祝

又

陳濟棠敬祝

於鑠洪基肇啓東土鬱鬱菁莪巍巍學府前橫珠海之浩流後枕白雲之層巔瑰茲疊序億萬斯年

又

黃郛撰祝

中山遺澤粵海永霑英才濟濟峻宇巖巖百堵皆作衆美是兼豐工傑構遐邇咸瞻

又「鏡屏頌詞」

中國國民黨廣東省
監察委員會
執行委員會 敬祝

總理在昔定計百年息馬論道投戈講藝爰創辟雍媿美周制篳路藍縷中道而逝繼其後者秉承勿替廣廈經營觀成次第寒暑十更菁莪陰翳嗟哉多士勉造時

勢爲民先驅。爲國前衛。遷喬之辰。祝以萬歲。

又 中國國民黨 特別黨部敬祝
津浦鐵路

粵稽斯校。創建十年紀念。總理樂育英賢。經營慘澹。立志貞堅。規模不具。策劃周全。農理工院。校址新移。文法兩館。於茲奠基。同申慶祝。盛典隆儀。奮飛邁進。黨國所期。

又 韓復榘敬祝

中山大學。玉振金聲。總理遺澤。締造經營。春秋十稔。樂育羣英。美輪美奐。廣廈新成。白雲山色。氣象崢嶸。珠江靈秀。文化結晶。農工法院。喬木遷鶯。文法奠基。盛典恢宏。學超歐亞。譽遍寰瀛。觥觥特刊。大啓文明。遵守主義。克副嘉名。人材蔚起。黨國光榮。


又 徐永昌敬祝

我總理草昧經綸。肇造區夏。覽千秋於劍映。運八紘於環中。深惟盛衰之數。繫乎人才。作育之方。存於庠序。菁莪之化。儻成。俾父之績。斯著。排除萬難。遠計百年。乃於民國十三年。創辦廣東大學。成立之後。暫處市區。以闢園之難。非藏修之攸宜。爰擇石牌爲建築地。相茲新址。未鳩厥功。越歲。總理薨。因易校名爲中山大學。所以觀先民之有作。示後昆以不忘。光昭盛德。永垂紀念也。經始之初。鄒公海濱承命。將事。俄而去職。二十一年。鄒公復主校政。緬懷遺教。努力締營。迄於今歲十一月。爲大學成立十週紀念。而石牌新舍。適於斯時落成。其規模宏肅。苞含闢大。國有各校。稱巨擘焉。且竹木之植。盈億萬株。盡其地力。期以十年。收益之多。逾三百萬。畜牧園藝。尙不與焉。使消費教育。入於生產之途。此又坐言起行。實事求是者也。其制置施設之詳。鄒公既爲之記。復於紀念舉行慶典。徵文四方。以鳴其盛。惟總理遺愛在人。憩棠譽樹。足起民思。矧茲上庠。誼謨所寄。蔚爲楷模。陶淑百世者哉。雖職事有程。羈縻北道。而儀刑不

國立中山大學成立十週年及新校舍落成紀念特刊

遠嚮往南天。爰據蕪詞。以附觀禮。頌曰。

南紀維離。照明所自。命世膺期。挺生聖智。陶甄八表。柔御六轡。不以力政。光啓文治。大道之行。雲雷經綸。百年之計。日在樹人。肇開上庠。用章俊民。穆穆恣恣。多士以寧。膺膺平楚。巘巘崇宇。湖影山光。圓橋朱戶。嘉木億株。嘉禾彌圃。學府農宗。歌頌頌魯。先民之志。成斯盛事。頌



雨操場

宮以營。峴山垂思。如日經天。如水行地。萬有千歲。永昭無既。

又 國立武漢大學校長 王星拱敬祝

堂堂大學。巍峨輪奐。以崇黨國。以紹雍頌。學術雲興。人材霞聚。民族之光。萬代昭煥。

祝詞

又 金陵大學敬獻

峩峩學府。總理斟之。菁菁學子。總理鑄之。事功竟其後。精神賴先施。不顯哉鴻烈。不承哉奠基。自今伊始。譬之在庖。踞臚朵頤。譬之入市。珠玉耀奇。擅茲美富。德教聲馳。固南州之冠冕。亦都人士所欽遲。

又 李蒸敬祝

白雲山高。珠江水長。江山明麗。秀甲南疆。迺有大學。巍峙中央。規模宏偉。吾國之光。創始者誰。厥維總理。艱苦備嘗。後賢繼起。日就月將。努力不已。致有今日。名播遐邇。歲歷十週。考績優良。蠻舍落成。輪奐堂皇。舉行紀念。用誌不忘。欣逢盛典。遙獻蕪章。

又 大夏大學敬祝

巍巍學府。總理手淑。使命崇隆。規模宏曠。寰宇具瞻。舉國慕嚮。十載功偉。萬間厦壯。成俗化民。源遠流暢。


又 私立嶺南鍾榮光敬祝

維 中華民國二十三年十一月十一日。爲 國立中山大學十周年紀念。同時舉行慶祝石牌新校舍落成。農理工三學院開幕。農工法三學院遷入新校。文法兩學院奠基。第四次全校運動大會之期。謹爲蕪詞以祝曰。

斗牛之精。山川之靈。蟠鬱年載。肇啓文明。昔我總理。開府南方。謂是大學。儲國棟樑。爲高丘陵。爲下川澤。憑藉高師。是因是革。民十三年。雙雙十一。成數一元。日月同吉。廣東大學。繼曰中山。鄒公經始。締造艱難。百年樹人。十年樹木。鄒公重來。貫澈初鵠。浩浩石牌。廣州之東。山川萃會。靈氣所鍾。曰農理工。閱規大起。成功開幕。總理之志。維農工法。遷校有喜。繼者文法。奠基方

始。文法理工。日農日醫。六院並作。分道齊馳。樂育英才。
 洗耻滌污。多難興邦。慨想黃虞。峨峨髦士。赳赳武夫。將
 我黃魂。孰敢侮余。維國有學。國立私立。有如兄弟。同蕃
 家業。伯氏吹壎。仲氏吹箎。聲應氣求。蕭規曹隨。日月重
 光。願望無窮。敬貢一言。強我亞東。

其聲琅琅。樹人樹木。關囿於旁。兼及農藝。躬稼
 是襄。體育蹴鞠。復有廣場。蠶館泳池。隅置有方。
 宏圖茂架。擘畫周詳。遠人徠觀。隆國之光。英英
 譽髦。艱鉅毋忘。惜陰勵學。日就月將。宜懲城闕。
 而志八荒。偉哉 鄒君。器度汪洋。專心壹志。紹



石牌中山大學新校舍草圖案 時作一五十一

又

翁之龍


述動勳。聿觀厥成。願力無量。式此經畫。四方紀
 綱。謹陳嘉頌。永散馨香。

又「鏡屏頌詞」

私立光華醫
 科學院院長 陳衍芬敬祝

茫茫宇宙。環視競強。儲才育俊。邦基乃昌。廣居南紀。文
 化流長。赫矣豐規。鬻宇在望。經年版築。遺訓孔彰。拓地
 萬畝。繚以垣墻。重欄覆宇。厥講為堂。文理工法。布列連
 蔓。醫科巍巍。蠱峙遶岡。橫舍櫛比。如翼斯張。絃誦講肄。

維 中華民國二十有三年十一月十一日。為 國立中



案圖劃計部全校新

- | | | | | | |
|----------|---------|----------|--------------|---------|-----------|
| 1 學校正門 | 2 中山紀念堂 | 3 農學院 | 4 管理處 | 5 圖書館 | 6 文學院 |
| 7 理學院 | 8 博物院 | 9 法學院 | 10 工學院 | 11 校長住宅 | 12 教職員住宅區 |
| 13,14 水塔 | 15 學生宿舍 | 16 露天演講台 | 17,18,19 運動場 | | |

山大學十週年紀念及慶祝石碑農理工法新校院落成文法兩院
奠基謹綴蕪辭以祝之

洪維貴校屹立粵東 總理手勑主義是從播傳黨義
以進大同陶養多士振曠發聾科賅中外學術兼崇于
斯十載學業蓬蓬擴建新校曰農理工維文與法初基
隆隆百年之樹賴此巽宮凡茲偉績與黨義通吾黨之
旨天下為公發皇光大如日升東後此建
設邁進弗窮蕪辭獻祝共勵始終

又 上海美術專科學校

中山大學弁冕羣英巍巍巽舍聿觀厥成
三大典禮同時舉行猗歟休歟萬古常新

又 「銀鼎祝詞」

周其鏞敬頌

天南國學成立十年秉承 總理石碑鶯
遷巍峨院落氣象煥然廣庇庶士育才厲
賢春風時雨化及八埏

又 「鏡屏頌詞集文選句」

劉蘆隱敬頌

國尚師位家崇儒門永瞻先覺顧惟後昆

願延之皇太子釋奠會詩 是以兩學齊列雙宇如一右延國

胄左納良逸祁祁生徒濟濟儒術或升之堂或入之室

潘岳開 設神理以景俗敷文化以柔遠 雖在衰世而

盛德形于管弦 欲使人知廉隅家知禮讓 民

情風教國家安危之本也 溯夫積仁基惠啓蕃斯

境 表裏悅穆 覽山水之

體勢 極棟宇之宏規 宮館台榭林麓藪澤

植物斯生動物斯止 碩果灌叢園木竦尋篁篠懷

風葡萄結陰 興農桑之盛務 開源自本

教品式周備 於何不有 巍巍之盛仰藐前賢

洋洋之風俯冠來籍 茲可謂一勞而永逸暫費而



中華民國二十二年十一月十一日
國立中山大學奠基於此

明密 雖單門後進必加善誘故齒危髮禿之老舍

經味道之生莫不北面人宗相同資敬望風推服嘆曰

衣冠禮樂在是矣 當是日也 在山峩峩在

備其禮物 雍容揄揚 流風徘徊 唐哉皇哉

斯蓋宅土之所安樂觀聽之所踴躍也

有不訓若風行應如草靡者哉

劉紀文敬頌

建國嘉謀興學造士十載風規羣賢繼
美時雨咸沾樂育桃李郭廣門墻乃遷
郊里大計百年功駕前史長紀元勳以
興後起

周啓剛敬頌

猗惟吾粵最高學府締造艱難思吾
國父規劃十年經營藝圃農工法院望
衡對宇今觀厥成輪奐堂廡為國育材
以禦外侮學子莘莘作伊呂輔周公制
禮魯公接武瞻仰斯堂懽欣鼓舞

褚民誼敬祝

洋洋南海義師由興念我先覺大庠是營誌哉多士百

典具精十年教訓萃此菁英邁時屯艱七鬯久驚外禦

其侮惟我弟兄一人挺出萬夫莫嬰曾忝同席敢告友

生

巍然學府於海之南惟手創者地負海涵安定分齋經

仇 鰲敬祝

義治事。百川利導。實宏斯意。歲星十易。斐然成章。朱萐碧瓦。煥矣宮牆。流風未遠。大義益振。思皇哲人。啓我後進。

又 蔣復璁敬祝

偉哉中山。手創大業。十年樹木。蔚起羣英。付託有人。吾黨之傑。經始新宮。黍橫斗列。白雲在望。珠水泱泱。萬紀千春。興國無疆。

又 李揚敬敬祝

國立中山大學校舉行成立十週年紀念之辰。同時舉行慶祝石碑新校舍落成。農理

工三學院開幕。農工法三學院遷入新校。文法兩學院奠基。及第四次全校運動大會

開幕典禮。第三軍軍長李揚敬謹爲文而祝之曰。

自古立國。教育爲先。興學造士。端賴高賢。猗歟 貴校。成立十年。今茲改建。應時而遷。分院整理。學術精研。會開運動。爭着祖鞭。發揚光大。成就卓然。猗歟 貴校。雅化長延。

又 范德星敬頌

學海菊坡。嶺學稱盛。弦誦久歇。士失榜槩。惟茲上庠。百川所匯。道器兼賅。抉微集粹。世變如潮。學爲之防。式宏遠謨。以爲國光。寶書百國。廣廈萬間。登堂矚遠。計在百年。

又 王贊斌敬祝


巍巍學府。黨國之光。總理手創。永誌不忘。日月運行。歲歷十紀。新校落成。公門桃李。分科設教。導源杏壇。闡揚絕學。行易知難。推行主義。吾黨所宗。輪蹄一軌。四海景從。

又 南海區芳浦敬祝

藜莪育材。韓毛異字。于義則同。咸得詩意。由周而來。歷三千年。斯意遙契。皇矣 中山。思惟創始。規模弘遠。啓我後人。於戲不顯。觥觥橫舍。石牌是宜。多士有慶。械樸待歌。

又 曾養甫敬題

上庠巍巍。總理手創。經營十年。陶冶彌廣。翼翼鬻舍。鳥革羣飛。於萬



千歲薪樵是資。

又 王應楡謹祝

皇哉學府。黨國之光。郁郁儒士。濟濟一堂。崇厦既建。偉業更張。學行並舉。理智相長。猗歟盛哉。福利家邦。五羊之石。其音鏗鏘。珠海之波。浩瀚汪洋。猗歟盛哉。德澤無量。

又 鄭貞文敬祝

觥觥學府。溯源定名。甄陶多士。軔發羊城。新昌碩彥。昕夕經營。星霜輪指。氣象恢宏。矩立五院。取次落成。蔭以嘉植。繚以長泓。巍然銅像。盎然書聲。儲國棟幹。翌齊休明。

又 秦德純敬祝

白鹿名洞。象山鵝湖。宋代講學。周陸程朱。文成繼起。世稱明儒。學能致用。時事所需。白雲之側。珠江之隅。經營十載。建此宏模。大厦千間。桃李萬株。中山並壽。吾德不孤。

又 甯夏省政府委員兼甯夏權運局長 馬繼德敬祝

猗歟學府。蘊秀含英。十週紀念。成績惟精。白雲環繞。新校落成。籊金琢玉。莫之與京。

又 蒙古察哈爾 卓特巴札普敬祝

教育建設。立國大經。計畫周詳。努力擴充。學府發展。民族昌興。規模宏遠。收效益深。雄冠宇宙。偉烈豐功。朔南景仰。舞蹈莫名。總理手創。我公完成。幸逢盛典。詞表賀忱。

又 察哈爾省政府委員兼建設廳長 陸軍第二十九軍參謀長 張維藩敬讚

峩峩鬻序。山海炳靈。宏規大啓。美哉奐輪。先知先覺。經始經營。精心結撰。靈爽式憑。大業發揚。繼起纘承。萬間廣構。十載觀成。嫺嬛福地。桃李崇城。貞體樹德。游藝依仁。三江淪智。五嶺毓英。歐孳美乳。東箭南金。興我民族。振我國魂。健行不息。

富有日新

又

察哈爾省
教育廳長 趙伯陶敬祝

締造維艱。閱十寒暑。巽宇堂皇。春風化雨。含英咀華。融今紹古。民族之光。黨國之礎。

又

聖禪徐 桴敬祝

舳舳疊序。有聲南維。總理手創。實肇其基。唯公繼緒。實恢其規。農工文法。設教分施。或商舊學。或啓新知。以保國粹。以協時宜。猗歟締造。十稔於茲。粵有斯校。培才所資。公長斯校。衆望所歸。拜手作頌。書以貽之。

又

安徽省
建設廳長 劉貽燕敬頌

遵海而南。珠江之涘。崇構巍峨。方七十里。隆隆學府。總理經始。化新菁莪。材儲杞梓。百年樹人。十年有身。農工開幕。文法奠址。潤色鴻業。發揚駿美。池沼淪漪。岡巒邐迤。林木翳雲。絃歌盈耳。俊髦所萃。趨之若市。日進無疆。張我國履。吾道南行。人文蔚起。

又 并序

鎮雄張邦翰敬頌

夫學術之始。在書與數二者而已。及乎其極。則分肌劈理。推類知原。而輔國寧人。乃當以教致之。而還率之於政。苟或缺佚。即治道因而而不光。必求有以麗於國家。保世滋大者。殆憂乎其難也。吾國教育自有虞五品。專重德行。則所謂精神之事也。而數術工巧。類在物質者。積世浸微。周之三物六藝。雖復明設數學。特于工巧。闕不致詳。以視印度五明。工巧昭宣。足以禪精神之運者。猶之濶畧。惟考工之職。迄于近世。依然具陳。第僅行乎其政。而不甄之于學。誠有興作一任世之所謂匠人爲之。初不設學。以爲其基。故亦無所取材于其間也。抑自唐以後。算數之學。仍著學官。乃至乎宋。則功令所取。重彼藝文。而於此則雖取而蔑之。上較有唐。彰彰焉等重于文者。其厄于學。未可云淺。間嘗覈之。自漢以還。數術工巧之學。可謂有政無教。而教又左之。信乎精神倫理之用。在吾民族。殆可涵蓋圓輿。而物質器械之需。屬茲力征。蓋將置於日用。環觀四國。其化裁物質。以益強明。以整開弱者。日異月新。靡有所屆。語其根本。則又依于科學之明。吾國百家之學。本已各見端倪。惜乎建武一黜。遂事作聖述巧之旨。浸以沈淪。不有班氏。刪取劉畧。以布其書。即朱子元聖。亦將無所指陳以爲之議。斯則學術之宜博收。無間昏明。

國立中山大學成立十週年及新校舍落成紀念特刊

祝 詞



景

皆不容以輕忽者矣。今自環球捷通。吾國教學。始採歐美之制。改建橫舍。分課以程。大學于是乃有文理農工醫等五院之設。交資物質。而中山大學。又爲吾黨。總理所手創。同志 鄒海濱先生。親承 總理之教。屹屹規隨。以臻完美。宜乎莘莘之士。咸能心 總理以述 鄒君而光大之前。後無慮若干人矣。抑余別有進者。精神之教。禮之維也。自孔子六籍所布。固已美富無倫。雖泰西元彥。猶多謝短。乃以物質用劣。世人遂荒其本。而懵然以禮教爲譏。不知禮以行身。樑榘雖頑。動止猶不能外。况乎建立邦國。經緯高厚。非禮曷成。科學今甫萌芽。佻薄之子。一偏未得。而遽偏越規矩。以爲禮者腐物。無事率由。即令數術工巧。度越西人。其所挾持。以與人羣交接者。亦尙遠於文明。而反滋昏亂。是則精神之事。終古未可輕也。特如前世獨偏於此流行。以至無以禦人。且岌岌有危亡之患焉。其于物質。數術。與周禮所謂教世事。以習能者。誠弗可以一日而離。又當思夫上遂。俾躋吾國家人民于安平隆盛之域。則雖潛艇飛機之神。夫孰敢摹吾空。而馳吾海。以抗乃顏行哉。斯維維教維學。乃有以先之。然則發皇之效。尙不止於器械一日之資。神明一世之運而已。烏論乎目睫。焉識彼溟濶哉。海濱先生。茲以校立十年。徵文紀念。不揆空欸。爲賦四言一章頌之。並揭吾國學術精神物質之偏。而感喟揚推之如此。

菁菁者莪。作人其遠。政以正之。維教斯顯。嶺表有聖。踐迹尼山。委質于國。行不用難。旋乾轉坤。大氣包舉。勞藏于人。功不自止。既返大物。匪教無宣。德行尙矣。藝事非完。乃開橫舍。乃胄莘莘。百粵之臺。高薄浮雲。材俊霞蔚。以致大公。洙泗不遠。偉哉同同。泰岱既崇。鄒繹亦著。大小相維。左右前後。羅浮梅蕊。南海荔支。芳聲衍溢。千載于斯。

又

安徽省政府委員 楊 廉敬祝
兼教育廳廳長

天厭清德。篤生 總理。光復中華。宣揚主義。當在廣州。變亂不已。獨排萬難。爲百年計。譬彼大廈。棟梁是恃。譬彼長途。駿馬是駛。人材於國。亦復如此。爰建大學。用造多士。命茲 鄒

梅

又

陝西省政府委員
兼財政廳長甯升三敬祝

慶屆十週美新輪奐桃李移植宏基克奠信
總理之遺休亦主者之大願載歌致祝年斯億萬

又

河南省政府委員
兼民政廳長李培基敬祝

緬彼南交遠水際天篤生哲人有見機先巍巍上庠因
時以立青青子衿駢臻雲集十年樹木亦猶樹人百年
萬禩視此莘莘於惟北學聲教暨南自西徂東並世齊
驂

又

貴州省
財政廳長鄭先辛敬祝

公定厥基址雲山之旁珠江之浹相厥陰陽觀其流水
劃段分區五院並峙夏屋渠渠鱗次櫛比厥材孔良或
梗或梓厥漆攸宜或丹或紫師生有舍庖廩有次百爾
器備盡善盡美天下英才悉歸於是或究專門或工絕
技孜孜敏求焚膏繼晷十載初週人文蔚起懿歟鄒
公始終其事勤勞罔懈惟力是視為國儲才有光青史
總理在天亦為欣喜敢書崖畧垂之千祀

又

陝西省政
府委員王典章敬祝

姬啓辟雍源開大學菁莪棫樸金玉敦琢懿惟中山吾
民先覺肇造共和皇矣赫濯爨舍新營羣材奮躍南海
波澄粵秀峯卓祝此廣廈樂育麟角牛津哈佛對峙挺

梅

又

陝西省政府委員
兼財政廳長甯升三敬祝

慶屆十週美新輪奐桃李移植宏基克奠信
總理之遺休亦主者之大願載歌致祝年斯億萬

又

河南省政府委員
兼民政廳長李培基敬祝

緬彼南交遠水際天篤生哲人有見機先巍巍上庠因
時以立青青子衿駢臻雲集十年樹木亦猶樹人百年
萬禩視此莘莘於惟北學聲教暨南自西徂東並世齊
驂

又

貴州省
財政廳長鄭先辛敬祝

公定厥基址雲山之旁珠江之浹相厥陰陽觀其流水
劃段分區五院並峙夏屋渠渠鱗次櫛比厥材孔良或
梗或梓厥漆攸宜或丹或紫師生有舍庖廩有次百爾
器備盡善盡美天下英才悉歸於是或究專門或工絕
技孜孜敏求焚膏繼晷十載初週人文蔚起懿歟鄒
公始終其事勤勞罔懈惟力是視為國儲才有光青史
總理在天亦為欣喜敢書崖畧垂之千祀

又

陝西省政
府委員王典章敬祝

姬啓辟雍源開大學菁莪棫樸金玉敦琢懿惟中山吾
民先覺肇造共和皇矣赫濯爨舍新營羣材奮躍南海
波澄粵秀峯卓祝此廣廈樂育麟角牛津哈佛對峙挺



新校理學院之化學教室



新校農學院之農學館

風克昌敬獻蕪辭兮用誌不忘

又

馬洪煥敬賀

出入百家包羅萬象學如東海川流所嚮惟我
實作之師微言大義念茲在茲翟輔昌言宏此巽宇英
才增盛百年期樹

又

天津市市長王
韜敬頌

巍巍國學實牖生民夏庠殷序遜此精神
總理手創
胸闊十春樹人百世遺教恒新經營締造慘淡艱辛日
維鄒公草越群倫馭繫始簡罔顧遑迤固由毅力亦
見性真爨舍增建善誘循循宏基不奠聿抒經綸淬厲
鍛鍊力學淵純駿奔鶴立競賽珣珉遙跂盛典奚罄賀

忱敢陳善頌晉慶嘉辰

又

潘公展敬祝

嶺表之東革命稱雄最高學府今告成功救民救國四海從風樹人樹木大道為公

又

林翊春敬祝

巍巍嶺海革命中心大校創建樂育羣英發揚主義昭我夏聲歷時十載旭日當春免輪肇啓氣象一新航航多士體育昌興天行惟健淬勵精神猗歟盛哉邦家之

禎

又

黃造雄敬祝

巍巍學府濟濟羣英總理精神之所寄復興民族之



室教程工械機氣電之院學工校新

先聲

又

湘陰鍾 忠貺齡敬祝

巍巍峨峨雲譎波詭是曰學府肇於總理拓而新之賴有其人尺土寸木皆其精神造士宏規軼乎隆古魯之靈光未可同語白雲山高珠江水長千萬億載永為國光

又

曾 强敬祝

十年樹木百年樹人喬喬皇皇煥乎有文

又 并序

温鐘聲謹祝

中華民國二十三年十一月十一日為 國立中山大學十周年紀念石碑新校同時落成所以光昭 總理創造之遺業與吾黨作育之宏謨禮也在昔漢李造士置弟子達三千餘人貞觀興學增鬯宇至千二百所湖州之教範經義與治事分齋記學正之成規四術與三行並育曠古所稱方茲蔑如逮今八方重譯已非九流七畧所能賅百年樹人限諸元士適子則已隘蓋世運遞嬗學術大同有由然也昔人有言吐景炎揚洪輝莫近於頌頌者六義之一故頌以成德史錄其事工歌其章功成而頌聲作敬本斯義用紀休明乃作頌曰

於樂辟靡至於海邦芄芄械樸邦家之光先民有言思皇多士示我周行于彼郊矣迺疆迺理爰究爰度于今三年百堵皆作築之登登大猶是經其新孔嘉適觀厥成薪之標之教之誨之既作泮宮髦士攸宜四方來賀酌彼康爵洵美且異增其式廓克壯其猶先民是程於萬斯年赫赫厥聲

又

盧象榮敬祝

中山主義揭糺三民樂育英俊百年樹人儲材救國咸與維新觀成致慶億萬斯春

又

關宗驊敬祝

五嶺南來重洋東抱中有隩區白雲皓皓建校於茲弘我大道米廩方虞辟雍比鎬

又

中國國民黨瀾海鐵路特別黨部執行委員 王福順敬祝

嶺南濱海文化易輪閱維 總理肇建新模繼往開來美成在久才嵩莘莘氣凌泰斗歷年十紀如日方升丕基既奠用啓免輪盛會欣逢發揚蹈厲瞻頌前途光華遠被

又

福建三民主義同志會敬祝

雲山蒼蒼珠海泱泱大哉學府源遠流長



室教程工木土之院學工校新

又 王向榮敬祝

十年樹木百年樹人羣流并納萬象更新歲紀甲子首
創斯議十載駸駸規模始備導揚百藝兼綜三長經神
學海發為文章珠江繞前雲山環側虬盤垂庭玉韞照
壁池沼盪漾岡巒蜿蜒稱名取類矩地規天風雨如晦
鷄鳴不已中有人兮投袂興起莫為之前雖美弗彰莫
為之後雖美弗傳先聖後哲其揆則一宏規大啓垂諸
萬奕

又 盧鑄敬祝

白雲之麓珠海之濱觥觥學府美奐美輪
天開圖畫地絕囂塵粵惟總理草味經
綸全功待竟期以百旬六科分教百年樹
人砥礪德智鍛鍊心身遺像巍巍遺誨諄
諄勗哉多士終身率循

又 黃海山敬祝

猗與貴校中山命名農工法院校舍
告成喬遷新址求其友聲鵝湖鹿洞孕育
羣英小叩大叩計日功程人文炳蔚黨國
光榮

又 郭泉敬祝

巍峩學府十載韶光喬遷新校石牌之岡經營逾歲堂
構皇皇白雲環側珠江繞裳峯巒起伏池沼汪洋理化
文法桑室農場天文博物院宇恢張總理銅像萬禩
留芳無術不闡無藝不彰鑽研發越吾道洋洋濟濟多
士莫不允臧千秋盛業悠久無疆

又 杜澤文敬祝

興國之道教育為先石牌建校大學喬遷分科立院堂
舍萬千發明藝術孕育高賢森林牧畜廣造農田無學
不備有術皆專十週紀念遐邇欣然良猷永保於萬斯
年

又「鏡屏頌詞」 余仕榮敬祝

學立十週成績最優石牌新校幾費綢繆農工法院典



新校校鐘

先知後知垂諸萬載馨香以期

又 澳洲雪梨余吉屏敬祝

國之基礎立我蒸民堂皇建樹宏我華僑以永紀念吾
國之光

又 并序

鑑波陳 強敬頌

我先總理孫中山先生所畢世而經營者為革命也革命事功孰
為大曰學為大此總理在粵之日所以創立廣東大學也繼總

理之志而努力革命事功者孰為大曰學為大此
中山大學之經營所以有今日之成績也夫欲救
中國欲救民族固非學不可然無最高之學府完
美之學院以精研其學術而欲長育英才使之蒸
蒸焉盛不可得矣 鄒君海濱繼總理之志於
中山大學經之營之再接再厲蘇而復上而新校
舍以成其規模宏遠蔚為國光足慰先總理在
天之靈矣不佞前者曾充實安沙捐清局總辦
兼護沙局長嘗承古勤勤先生及黨國先進之教
而知鄒君專力於教育者實繼總理以學救
國之志而欲完成革命之事功也故於中山大學
十週年紀念之日新校舍成立之始而為之頌其
詞曰

中山赫赫新校峩峩農工各院所造宏多
經之營之繼總理志實為鄒君努力

從事偉矣今日十週慶揚械樸菁莪為國之光生產教
育富強之基總理之靈實憑式之


又

李仙根 王仁康敬祝

繫維大學肇始十年先民是則聿繼惟賢恪遵遺訓一
往無前經營慘淡校舍雲連設立五院分科專研美輪

博愛通訊社敬祝

寅維 貴校遷校隆儀十週紀念同時行之作育英才



室桑調及室蠶養之院學農校新

牌新校舍落成盛典壽民觀規模之遠大仰締造之維艱爰進蕪詞藉申頌悃詞曰

漪維 貴校名曰 中山紀念 總理遺教聿彰經始十稔遷建二霜廣厦落成輪奐堂皇省名院區國土不忘規模遠大積厚流光瓊林嘉果株植累萬名實併收教育生產樹人樹木濟濟踰踰校譽鵲起人材鳳翔學術救國轉弱為強任鉅擔艱永孚眾望懿歟盛哉翹首五羊恭祝 貴校之邁進無已撐持祖國於無疆

又 并序 高明縣縣長何晏清敬祝

吾黨 總理以建國首重育才故有廣東大學之設規模初具齋志以去大學遂易今名示不忘也今校長 鄒公從而恢弘之就總理擇定之石牌新校址興工建築年餘而農工法三院成適當十週年紀念晏清不文媿乏佳構詞一詩一(見詩欄)聊以志慶云爾

猗與大學學術之府濟濟多士邁隆前古校宇聿新巍峨出塵以教以聚默運天鈞誰為之始厥為 總理誰為之繼乃有 鄒子拾載薪傳南國用宣恢宏奕葉式穀遞莘

又 并序 代理中山縣縣長梁鴻洸謹頌

中華民國廿三年十一月十一日為 國立中山大學十週年紀念之辰同時舉行慶祝石牌新校舍落成暨農理工三學院開幕農工法三院榮遷文法兩學院奠基第四次全校運動大會開幕諸典禮盛矣哉以最高之學府慶典疊稠五羊生色近世所罕觀也鴻洸猥承 東約倍切心儀謹貢蕪詞用申藻頌其詞曰

總理遺志興學為先石牌新址巒序巍然旋易今名以資景仰漸次擴充規模彌廣揆厥邦本農學先聲理工文法次第迭興經營伊始繞室徬徨肩任艱鉅以救危亡圖始圖終校舍增建先後葺工悉臻完善吾粵士女

頌德歌功學識閱富星附景從創立迄今年符樹木從茲樹人百年預祝一時慶典駢集蟬聯盛業不朽發越昭宣

又 并序 廣東全省商會聯合會候補執行委員李君衡敬祝

維 中華民國二十三年十一月十一日為 貴校十週年紀念同時舉行慶祝石牌新校舍落成農理工三學院開幕農工法三學院遷入新校文法兩學院奠基第四次全校運動大會開幕各典禮君衡荷蒙寵召謹為詞以祝之詞曰

皇哉黨父教育救國明德新民弘茲大學艱難締造十稔於斯警乎軒乎鼓之舞之遷地為良石牌新校次第觀成後先步驟農工理化學院集中於焉啓幕典禮攸


美奐奠基喬遷會開運動共著先鞭濟濟多士人文蔚然

又 農林局局長馮 銳謹頌

巍巍嶺表南服之雄帶山礪河佗城居中瑞鍾賢哲文化其隆猗維 貴校泱泱大風 總理手創江海朝宗求讀書堂石牌是崇規畫籌建庀材鳩工遠離城市德學兼攻筆路籃縷三祀收功輪奐堂皇麗瓦崇墉高瞻遠矚鬱鬱葱葱人才輩出穆穆雍雍羽翼黨國後起追縱超哉邈猗萬載攸同

又 并序 廣西省寧縣縣長陳壽民敬頌

民國廿三年十一月十一日為 國立中山大學十週年紀念及石



(舍宿西廣)一之座六舍宿生男校新

隆運動大會同時競賽文法兩科有基勿壞白雲峩峩
珠江洋洋黨父之德山高水長

又 并序
中山縣大涌蕭耀文等敬頌
商會主席蕭耀文等敬頌

維 中華民國二十三年十一月十一日為 國立中山大學紀念
十週年並慶祝石碑新校舍落成農理工三學院開幕農工法三學



新校男生宿舍六座之二(中孚宿舍)

院遷入新校文法兩學院奠基第四次全校運動大會開幕盛典之
辰敝商會同人遠荷寵召無任景忭謹擬蕪詞用申藻頌曰
中山大學冠冕南方 總理手創黨國之光碩彥濟濟
為國棟梁校宇矗立體制堂皇學院美備文化宣揚
文奮武鑄傑陶良珠江波艷粵秀山蒼洪維 貴校相
與俱長

又 并序 鶴山商會會長葉日泉拜頌

維 中華民國二十有三年冬月 泗 中大學校成立十周年紀念之
辰農工法三院遷校隆儀文法兩學院奠基伊始闢泉荷蒙 東邀
因事弗克與會然回憶斯校九周奠基之日辱承寵召返國觀光導
我前驅環游校址曾幾何時今則樂觀厥成新校巍然在目矣五羊
慶祝百粵騰歡誠空前未有之盛典也余因之有感焉嗚呼人心不
古思有以挽末俗之頹風道德淪胥冀恢復固有之文化誠以黨國
之興替須仗人材而賢哲之篤生端資學府 孫總理經營於先
鄒校長籌建於後苦心焦思擘畫周詳為國培材終始厥事癸酉則
大興土木戒其趾顛甲戌則奠厥攸居素其色絢南戶北窻以謂古
處旁序中堂以將士禮春風滿座桃李之下成蹊山色隨人桑梓之
閑已逝闢地萬餘畝內分稻作之場種樹億兆株終成林木之節各
學院分門別戶敷教奚祇四科諸學子藏修息游聖道胥歸一貫風
簷倚而喬木蔭野花發而文思開咸集鱣堂循循善誘光生羊石濟
濟多材行見珠海迭起文瀾隨潮流而遞進雲山亦名粵秀洵鍾毓
之稱奇尤望後之君子發揚而光大之又豈特為東亞之冠而已哉
因以紀之爰為之頌曰

偉哉學府作育英賢規模宏大全球冠焉文風丕振有
開必先山環水抱景色天然臺成觀象卓立峯巖高瞻
遠矚氣象萬千人材輩出黨國中堅名高五嶺於萬斯
年

又 并序
私立興華中學校校長周伯琴敬祝

國立中山大學新校舍落成適在成立十週年紀念之日充實
光輝舉國忭慶獲參 盛會拜手颺言以頌之意謂

超然學府萬國觀光緬維創作肯構肯堂促進文化鐸
振南邦苦心孤詣策劃徬徨善哉建設靡不審詳科分
區別各不相妨岡巒池沼相其陰陽農林貫綴廣袤成
場利用厚生蒼蔚葱蒼從此生產為教育倡人材深造

奚止救亡黨國前途端賴發揚

又 并序
私立執信中學校校長楊道儀謹頌


民國二十三年十一月十有一日欣值 國立中山大學成立十周
年暨石碑新校舍落成紀念凡我士類沐 總理之膏澤感締造之艱
難以游以觀靡不歡忻鼓舞咸歸功於 校長海濱先生總志述事



新校男生宿舍六座之三(芝庭宿舍)

將有以光大我黨國復興我民族敷敷教化宜昭令德使天下向學
務義之士皆有所歸以發揚我三民主義丕振我學術思想庶幾神
明華胄共進大同以服膺我黨義斯所謂鶴鳴九皋聲聞於天然則
今日舉行此盛大之紀念將有以昭告我萬彙使咸知敬業樂羣親
師取道之所由也詩不云乎雖無老成人尙有典型又曰既做既戒
惠我南國道儀不敏願追諸公之後以揚麻盛德以襄贊偉業不可
無辭以之頌也辭曰

高高維嶽。不顯奕世。教育敷文。學深淬厲。昔我國父。親臨講藝。行易知難。後死嘉惠。巍巍辟雍。日爲創始。翳我鄒公。艱承危履。中更剝復。十載濟美。萬流是宗。百學所矢。石牌山高。瀚海水深。興農裕國。實具苦心。地盡五岳。樓高千尋。有莘其士。弦歌嗣音。遷地爲良。昭宣鴻烈。喬木嘉蔭。山川崱嶸。緬想前徽。克脩往哲。俾爾辛劬。以進



新校男生宿舍六座之四(虎豹宿舍)

德業挺茲不朽。垂於無窮。靈脩浩蕩。桃李鬱蒼。經始既竣。是戒是崇。景仰徘徊。以寫我衷。謹頌。

又

香港深水埔大中女商科師範學校
校長江月蓮 監督黃伯群 暨各員生 同頌

國立中山大學爲 孫總理委託 海濱先生所手創之最高學府也。海濱先生是革命元老。教育大家。故能作育革命精神。磅礴宇

國立中山大學成立十週年及新校舍落成紀念特刊

內近數年來。先生漫遊歐美歸國。復長斯校。且出其所挾五洲最新思潮。拚命擴充建設。故得有今日偉大莊嚴嶄新校舍之落成。猗歟盛矣。行見華夏光大。此當其選。爰爲之頌曰。

人文鵲起。光我邦家。聲教遠被。競說中華。

又

貴州省立高級中學校敬祝

革命進展。教育不張。漪維中大。輪奐堂皇。紀念總理。導源孔長。莘莘國士。言表行坊。新民止善。悠久無疆。

又

平遠縣錫水鄉昌明圖書館館長
鐵民中學校董冠洋小學校董 吳德壽敬祝

中華民國二十三年十一月十一日。國立中山大學舉行成立十週年紀念。並慶祝石牌新校舍落成。遠道聞之。心儀無既。以爲南國文化。由此而昌。不獨大學教育領袖海內已也。謹爲詞以祝之曰。

南國鬻宮。紀念國父。盈盈桃李。依依藝圃。石牌新校。望衡對宇。進德修業。稽今考古。華實並茂。六院分組。械樸無疆。文教施普。

又 并序

吳康敬祝

中華民國紀元二十有三年十一月十一日。國立中山大學文學院行新校奠基禮於廣州石牌村。考此新室。垂於久遠。康以薄德。謬主院務。隆時祝義。其何敢辭。遂作頌曰。

五嶺南荒。羊石天府。東有名邨。鴻原平莽。時曰石牌。嗟峩參伍。大覺經營。文院啓土。構此新宮。千門萬戶。莘莘學徒。於焉游處。或窮哲理。綿宙絡宇。或蒐史乘。窮今際古。或談文藝。中外絜矩。或言教育。因材去取。或察群理。社會倫序。舊策新章。講業攸叙。仰覽前聖。文德纘緒。四科以教。淵源宏巨。橫矚遐方。學林藝圃。繭絲牛毛。考文訓話。質力名數。體形茹吐。一義之爭。一名之補。窮性極形。唱予和女。智能觀曜。詘信機杼。天網飛揚。地維盪努。學術文章。人倫袞黼。救亡圖存。志克胡虜。宮牆萬仞。桃

祝詞


李盈鵬。皇皇文院。藝學之祖。於萬斯年。受天之祐。

又

劉環謹祝

維 中華民國二十有三年十一月十一日。爲我 國立中山大學十週年紀念及新校落成嘉辰。屬院同人。恭逢盛會。忭舞臚歡。爰獻蕪詞。爲之頌曰。

猗歟休哉。聿峻穹窿。萬間廣廈。勝地居中。自南自北。自




新校男生宿舍六座之五

西自東。山明水秀。物阜民豐。偉人碩畫。佳構成功。農林培植。藝圃幽通。蠶桑利普。織造工同。人文蔚起。國勢興隆。緬維先哲。教益無窮。

又

蕭冠英敬祝

石牌建校。總理遺規。白雲山兀。珠海波馳。海公長



新校男生宿舍六座之六

赫中山無慚先覺若金在溶如玉在璞名立士附如水歸壑鄒公承之經營心勞十稔成紀更移近郊廣廈萬間大歡英髦藏脩游息其樂陶陶洪由纖積高自下基是訓是導經師人師當仁不讓念茲在茲我歌且舞申此祝詞

又

古直敬祝

於鑠大學南離建極誕敷風教卓立儒軌制昉孫公功遂鄒子既建迺遷適成數紀陟彼高岡松丸丸止重屋四阿碧瓦浮采白雲巘巘珠水瀾瀾山川效靈蒸我髦士寶俯南金馨逸蘭茝莪莪雍雍濟濟翼翼甄陶周漢作範萬國

又

傅尙霖敬頌

校經之營之完成一部秋以為期自來水廠清且漣漪鐵廠機廠弱流電池發電材料廠址在茲繼續建築年內實施工程所費四百萬貲附捐田料政府助資兩種收入未足應支所望賢達見義勇為農工與法三院先移文法兩院禮行奠基運動大會開幕同時十週紀念盛典隆儀軒車滿路看大學碑總理付託先覺先知三民主義為我導師服膺弗失無荒於嬉樹人樹木學禮學詩廉頑立懦扶顛持危發揚光大名溢四夷大同世界實現無疑

又

何春帆敬祝

嶺海雄邦實挺哲人哲人伊誰中山先生革命已濟爰立大覺文法理工醫農並興百年十年樹人樹木赫


里鵬程修葺得所載歌復賡省名命區愛國心萌群英咸集四海弟兄博古通今可比老彭浴沂詠歸有如長庚中西合璧文化結晶新舊溝通風正俗更十為成數九成韶韻九仞為山朕兆祥禎十年生聚養士請纓十年教訓育才培英十年樹木國棟家楨百年樹人舉世咸亨

又 并序

陳安仁敬祝

維民國二十三年十一月十一日為建校十周年紀念之期適逢新校落成農工法三院遷校文法兩院奠基重重盛典全校騰歡謹致詞以祝之曰

懿歟新校五羊之東白雲嶺表挺秀青葱菁菁者莪範樹高風戾止斯地人天理窮文振百代六藝俱通前賢



新校女生宿舍

景仰不朽其功救國救族端賴羣雄文化競進科學是崇生產教育國本攸充劍及履及貫澈始終

又 并序

兩廣地質調查所所長 何 木謹祝

民國二十三年十一月十一日為我 國立中山大學十週年紀念適逢新校舍落成農工法三院遷校暨文法兩院奠基盛典同時慶祝全校肅歡回思去年今日紀念九週恭行 先總理銅像揭幕及新校奠基典禮今甫閱一年耳度宏規而大起聳宇高鶩恍出谷以喬遷藏修得所雖工程浩大一時未藏全功而興作勤施不日定觀成效課農桑而共話開軒則場圃遙連攻金木以呈材成藝而聲光並茂廣場綿亘空氣充周既遠隔乎塵囂更適宜於生理湖光瀲灩綠波與碧草同春山翠迴環雲樹共晴風一色於以孕育人文發揚士氣文字得江山之助衣冠蔚嶺海之光匪獨高出於國中抑且雄



(一) 新校飯堂

國立中山大學成立十週年及新校舍落成紀念特刊

視乎海外行見萬間廣廈大開寒士之歡顏一柱南天遠被作人之雅化今於十週紀念新校落成之日敬為之序復進之以祝詞

維茲偉大之學府兮 總理所手創而經營既相宅於斯地兮爰規畫乎工程歷數載以為期兮慶遙觀乎大成信藏修其得所兮遠塵俗之市城互呈功而奏伎兮別部居以分明蒼百科之藝術兮集羣學之菁英培人文於嶺嶠兮馳美譽於寰瀛莘莘學子其日進有功兮相與含和吐盛發此光兮我民族之頌聲

又 并序

蕭錫三敬祝

曩讀三輔黃圖觀所記漢代大學之梗概輒驚歎其規模闊肆軼乎後世迨遊學歐西縱觀彼邦學府益震其敵大莫京而深感前之所見有未充也民國十七年冬自海外歸抵廣州廣州邊全國之南去海岸不數十里雖遠違中原而沾滯海外諸邦文物之獨速往者吾黨 總理孫中山先生以廣州興革命之偉業思有以融海外之思潮樹革命之根本迺任 鄒先生海濱以創辦國立廣東大學之職且相擇石牌曠地萬餘畝經營新校期與海外諸邦學府相頡頏未幾 總理薨於燕都 鄒先生復以清黨事去職石牌新校營建計劃阻而未行者殆六年廿一年春 鄒先生重任校長復倡前議請欸募捐鳩工庀材越年春行奠基禮又越年而 總理銅像暨理工農三學院大部告成本年秋季遂移工農法三院入新校開學而十一月十一日適為本校十週紀念之辰爰同時舉行慶祝新校落成農工法三學院遷校暨文法兩學院奠基盛典全校肅歡同申頌禱錫三供職校中既熟知 鄒先生致力新校之辛勤又目觀新校工程之終始且有鑒于新校規模之宏鉅有非古今中外學府所可幾及者在因憲而獻辭焉辭曰

粵我南土趙佗所營澤流清氣嶺孕菁英繫惟往昔潛曜初明蚩蚩衆庶相樂以生下逮茲世天高日晶棧來歐海權泛東瀛潮流滾滾海浪訇訇吾黨 總理玉振

祝詞



(二) 新校飯堂

金聲斯倡斯利立我國覺迺相曠地石牌之坪白雲旁時珠水前縈陂池激灑卉木蔥榮孰膺艱鉅 海濱先生閱時三載營構有成峩峩華宇燦燦雕臺式遵時製克壯南溟莘莘學子嚶嚶其鳴爰居爰處以學以行有桑足樹有田足耕有工足藝有理足閱進德修業立身揚名內光區域外被八紘

又

曾志民敬祝

猗歟盛哉最高學府廣廈千間分科造士行謨碩畫鉅規宏模慘淡經營不辭艱苦瞻顧西南幸賴有此培植英賢斯為基礎霞蔚雲蒸龍騰鳳舞濟濟前途拭目以俟

又 並序

鄒就承敬頌

出穗城東三十里有地曰石牌白雲山環其側珠江水繞其前崗巒起伏丘壑天然其形勢之佳風景之美實為珠江流域之冠先總理孫公相度是地為建築大學新校舍志未成而歿今海濱校長躬承遺命籌建新校按序工程不二載而百堵皆興規模大啓今歲十一月十一日為本校十週紀念適農工法三學院遷入新舍文法兩學院又行奠基禮全校騰歡同時慶祝典至盛也因思九一八國難以來外則強鄰侵畧內則共禍披猖雖我粵粗安而亦受風鶴之警校長本革命精神排萬難而肩此重任降心從事隱忍邁進志在

完成總理遺命以創建華南最大學府造就吾黨無量人才二年以來慘澹經營每當困難紛沓之際輒繞室徬徨寢饋俱廢其用心之苦致力之勤誠足令人感奮矣昔周文營臺囿不日功成魯侯作泮宮從公于邁詩人歌之茲者巍巍翼翼碧瓦朱欄星羅棋布掩映於雲樹蒼茫中令人瞻仰不盡為一溯其自來自覺楚城有慮事不愆之功宋築無北哲與役之阻千間廣廈多士歡顏伊誰之力歟不佞濫竽本校躬逢盛舉敢以不文辭哉因作頌曰

南海之墟化開自漢光岳效靈英華畢猷卅年以前中國戎有孫公一呼五族携手共和肇造國是以定建國方畧共循途徑人才救國學校胚胎完成遺命志奮風雷振榦奮榮命日量功心神雖瘁希望無窮禺山之東萬畝之宮三千髦士鼓篋雍容總理有志校長成之艱苦卓犖百世可師孕育英才護黨救國於萬斯年視此表式

藝園肅雍是傲絃誦悠揚師生蛟蛟慶祝良辰旨酒佳賓運動大會虎躍龍騰白雲山高珠江水深千秋萬世與日俱新
謝明章 敬祝
曾紀蔚 敬祝
皇皇辟雍洋洋頌水前呼白雲後帶珠海噓吸靈芬以



新校蠶桑部男宿舍

長繼述不忘爰相爰度原隰陰陽規天矩地拓土畫疆經始厥成既麗且康左制辟雍化洽上庠右立柏臺法肅秋霜前崇衡宇後列宮牆瞻銅像之巍峩禮堂起乎中央仰測天文臺矗崇岡俯晰地理象察坤皇迺建農林勸督耕桑考工課藝格致精詳凡茲庶院附麗其旁自為區宇各不相妨招仁惠於崇賢抗義聲於金商森林温室嘉樹甘棠瑰瓌珍異卷軸琳琅鞦韆蹴蹴游泳徜徉九衢八達之路四會五達之莊厥深莫測厥廣難量所貴惟賢裁捐與狂所寶惟毅乃積乃倉文德既昭武備斯張琴筑並奏冠蓋相望驪龍所蟠麟鳳所翔莘莘學子桃李成行嫋嫋名媛蘭蕙播芳聲教布濩盈溢八荒銘勳彝鼎樹績旂常百年樹人其道大昌穆穆焉皇皇焉濟濟焉鏘鏘焉洵天下之壯觀啓百世之津梁此乃生產之教育而為宇宙之無盡藏也茲當十週紀念新校落成之慶恭與盛典頂祝馨香謹頌

又 並序

李漱六敬祝

國立中山大學為華南最高學府罔羅羣士別類分門激以眇德嘗任講課懷濟世夷難之志慕絃歌揖讓之風以為教育英才實為救國要道今歲共和紀元二十有三年十一月十一日大學舉行成立十週年紀念並慶祝石牌新校落成既欽校長鄒公之能亦慕成均無窮之業謹綴微文藉申頌禱其辭曰

皇矣中山南國學府教化陶甄羣材雲聚講藝分科中規合矩石牌新宮高門雲柱昔日荆榛今時華廡綠水

青山天功人補莘莘學子講業選部以淑其身以太其士明德無窮同念國父

丘式如敬祝

白雲山高珠江水長巍峩學府蓋建中央總理手創

校長發揚歷十寒暑鵠譽遐荒校訓明耻載礪載砥救

國三民實行自邇外有虎兕內滿奸宄啓聖殿憂莘莘

士子石牌新校鱗櫛雲表校長宏猷總理遺教學圃

又

本校附中教員曹鴻壽謹頌

中大學府惟國之光受命總理遷地為良賴我

又

侯百彬敬祝

中大肇造于茲十周紀念 總理樹此宏猷三民主義人才爲首莘莘學子棟樑之求舊址既狹新舍是籌規模浩大石碑建築文法奠基農工遷入來年工竣蔚爲可觀珠江流域最高學府值此嘉期致伸慶祝

又

温克中敬祝

古昔作人先成講舍周代辟離歷朝踵化學術日新兵戈鮮暇惟我 孫公日營東亞知非教育莫彌其罅鄒公成之南天共託十年教訓萬間廣廈昔在粵人侈談廣雅以今比之豈徒方駕樹人樹木兼以樹稼生產夥盈人材雄跨大任是膺復興華夏


又

李全佳敬祝

維 中華民國二十三年十一月十一日爲本校成立十週年紀念之期適逢新校舍落成農工法三院遷校同時舉行文法兩院奠基典禮及成績展覽大會第四次運動大會甚盛事也全校員生同深欣忭佳也不文謹綴蕪詞以祝之曰

大學之道明德新民止於至善古訓是循惟我學府廣大前身 國父手創功在樹人三民五權誨迪諄諄播革命之種子拯民族之沉淪 鄒公承流斬棘披榛去而復來老而愈辛集多士之濟濟致學子之莘莘早作夜思力謀刷新刷新維何他且勿陳籌建新校道比傳薪憶昔 總理志切陶甄指定石碑用建成均繼志述事疇敢問津曰有 鄒公爲德之隣再長斯校誓了前因經營慘淡擘畫紛紜癸酉奠基時甫經春落成今秋聿來嘉賓三院遷校吉日良辰兩院定址舊典重申既

有基而勿壞亦美奐而美輪紀九年之大成爰十週而勒珉如川方至如夜嚮晨成績斐然待聘席珍自強不息勇氣益振松柏有心竹箭有筠涅而不緇磨而不磷明耻立信文質彬彬教育救國諒可書紳祝我員生相愛相親宏此遠謨濟彼艱屯爲岳武穆喋血胡塵爲魯仲連義不帝秦雲山峩峩白石粼粼銅像矗立表率羣



舍宿女部桑蠶校新

分院規劃井然陶冶培植造就英賢樹人樹木並顧兼籌宏規碩畫曠代無儔培材救國偉績長留

又

本校醫學院職員房之龍敬頌

緬維 總理碩畫宏謀饑溺爲懷痾瘵在抱曠觀近代科學昌明惟我中華事事落後復興我國何所取則百年樹人英才是植指定石碑建校之基授命 鄒公建築是圖中經颺搖幾失統序 鄒公復臨宏丞丕緒新校落成英才欣聚明農稼稼復興國家研工習藝歐美齊駕講信修睦法治是求醫國醫人科學是究懿歟新校後枕白雲前臨珠海雲山蒼蒼江水央央 總理與鄒校長之功如江水之悠長

又

圖書館職員梁 格謹頌

中山大學革命之光 總理手創輝照四方以攘外侮以救內荒農工醫法文理精藏中山大學新校落成文法兩院奠基以興三千學子奮勵精英建設中國擁護和平中山大學校長瘁勞石碑擊劃計及精粗五院並峙莊嚴麗都十周紀念永誌風高中山大學轟立十載校長歌之經營不改我輩和之忠勇不怠白雲山高珠江長在

又

註冊部部員張國維敬祝

倫百爾君子無忘我中山大學光榮之歷史與 總理偉大之精神

又

曾立勝敬祝

輪焉奐焉宏偉莫京面積萬畝館舍千形秦宮漢殿遜此工程經之營之備歷艱辛構始迄成閱時二年分科

總理創校爲黨立場學術救國光大發揚精神團結不息自強努力奮鬥前途光昌新校落成美奐輝煌莘莘學子濟濟一堂蓋籌先詔 鄒公發皇豐功偉績追感毋忘巍巍學府其聲洋洋人才傑出東亞之光策劃教育端賴賢良載歌載頌萬壽無疆


詩

五古 十三首

國立中山大學新校落成賦祝

陳濟棠

嶺學久衰歇。表海風不揚。晚近官師合。吾敬阮臺與張。
達孝世變日趨酷。慷慨念舊邦。要當宏學藝。四維樹之防。
百年此造端。震旦期重光。
中山有人師。爲國儲資糧。補苴閱十稔。突兀見上庠。興
國士有責。學海川難量。彌天望來者。歎仰登茲堂。



建築中之新校門(南門)

又

鞏縣劉鎮華

國立中山大學新校舍落成。適值十週年紀念之期。校長 鄒海濱
先生。讓事徵文作此。發之。時民國二十三年十一月十一日也。

節彼雙魚陂。遠枕西樵翠。葱鬱五羊城。橫帶珠江媚。指
點山水佳。革命策源地。名世五百年。總理翹然異。建
國無人材。事業將誰寄。爰是創上庠。百粵羣英萃。筆路
藍縷初。猶未臻美備。相地石牌時。決定擴充議。大任
鄒子承。顧命牢心記。十載寒暑聞。絕不艱難避。庇材與
鳩工。處處見精意。迄今廣厦成。松茂竹苞比。不襲鹿洞
規。不侈鱣堂瑞。歐美鎔一鑪。陶鑄興邦器。總理在天
靈。告慰自茲始。銅像何巍巍。萬世拜其賜。

又

河南大學

八桂鬱雲氣。珠海壯南疆。橫宇開新制。像設蔚堂皇。景
福難並美。崇構邁靈光。緬想青衿士。揖讓自踰階。曼碩
歌魯頌。翼棘感周章。山川隔中土。無由見宮牆。詠言遙
相發。引領意徬徨。

又


李世甲

庠序不可見。世無大司成。合眸緬三代。相距莫計程。不
圖建國政。迺在五羊城。謂是十年前。中山所經營。一
身排萬難。隻手舉衆擎。所貴繼述人。長守瓣香馨。提命
罔或倍。既蹶而復興。蔚然成巨觀。五院敬飛甍。內外攬
形勝。山水俱有情。廣厦千萬間。終不病未能。瞬息竟全
功。士林造就宏。下尉在野望。上尉在天靈。

又

顏福慶

計年惟藝穀。論政在樹人。興學培國本。庶幾風俗淳。卓
哉先總理。高遠矚其真。時常危難日。豈不畏艱辛。乃




建築中之新校門(西門)

命建學府。將以昭羣倫。誦誦多沮格。不絕如紛紛。迄今
經十稔。規模日以新。樓臺窺迤邐。館閣峙嶙峋。星列岡
巒迴。一一美奐輪。花木何鬱鬱。湖沼亦磷磷。白雲來舊
侶。綠水締芳鄰。悠然懷往哲。臨風立逡巡。巍然銅像聳。
精神若可親。爲語後來者。慎勿嘆貧時。自慙樗櫟材。尙
以醫學鳴。吹煦三十載。未覩江南春。吁嗟乎。未覩江南
春。俯仰念先仁。

又

黃鍾岳

扶輿靈淑氣。鍾毓珠江湄。賢哉鄒夫子。允矣百世師。手
創諸學院。奠成國校基。石牌作校址。宏開萬頃陂。經營
逾十載。利鈍志不移。鳩工落成後。開學隆典儀。圓橋觀



院學文之中築建

云士羣居。不見異物移。遠市就寬閒。選勝羅高阜。華池依陂陀。隆榭據巖巒。巒舍燦然列。廣廈何參差。魁儒領多士。杞梓盡所宜。萬松動鱗鬣。百頃勤畚菑。講肄各有程。藏息非荒嬉。一洗士夫恥。勞教懷前規。緬裹屯蒙際。即是締構時。明哲百世計。樹人培國基。大觀今則成。撫事從涕洟。不佞昔少壯。異域親追隨。倉皇柏林會。飄蕩金陵旗。駟駿志已遠。駑馬臨風嘶。一代人先改。河清應可期。械樸美髦士。菁莪樂有儀。逸足騁天衢。來者非今茲。庶幾擊壤歌。大同如伊耆。

又

許翥

事久廢弛。格物當窮理。精思極兩儀。洪纖必分晰。務弗爽毫釐。致力天人際。或以惠來茲。漫漫話長夜。何日臨朝曦。猶不急推闡。風波日以滋。強鄰固相逼。門智莫遲遲。若鷺撼空濶。若鷺奮天池。威能震六合。力足安四陲。瞻厥新學府。津梁渡無涯。雲蔓農工理。多士顏以怡。彷彿在劍橋。孜孜復孜孜。學科麗元間。德化崇宣尼。體象臻堂奧。聲華遠近知。吁嗟前驅者。不愧為導師。教育累功績。愈宜為之辭。粵山產麟鳳。粵海限華夷。冠冕著百世。邦家其永綏。

又

古直

粵維鶉火房。赫赫多名區。羽人息篷股。帝宇宅二禺。白

聽盛。械樸選無遺。莘莘來學子。飄飄揚國旗。建鑄總理像。巍然萬古垂。周遭覽形勝。校舍布如棋。岡巒列體勢。蕩漾沼與池。河山錦繡錯。道路復逶迤。林場及農場。生產無不宜。當茲經濟難。司農仰屋時。十年能樹木。莫謂收益遲。樹此遠大模。校欵永賴持。良工用心苦。舉措中矩規。胸中羅邱壑。意態何雄奇。十週逢紀念。瑰偉徵文詩。愧無生花筆。難成絕妙辭。俚歌誌景仰。權代衆口碑。惟祝學風盛。斯文其在茲。英才蔚然起。國病待以醫。更冀躋大同。與世無窮期。

又

賓步程


白雲挑闖來。晴天橫翠微。珠江在屋下。照眼清漣漪。古

繫昔魯中叟。三千叨善誘。鄒嶧繼其蹤。數百隨車後。世衰道遂微。異說騰羣喉。誰復講培才。兵戈互擊掎。卓哉孫總理。巍然若泰斗。國學擬宏開。高明兼博厚。鄒子承其訓。經營十年久。嶺表校誠多。廣大斯為首。樹株二百萬。拓地萬餘畝。列院備諸科。築室羅衆有。樹人期百年。聚書蒐二酉。械樸儲國楨。斯乃垂不朽。新校喜落成。徵文及下走。美備無能名。雖訥難緘口。一得貢芻蕘。那堪廁文藪。

又

前中國國民黨駐荷支部執行委員
荷屬全民日報英屬中南農報編輯 丘濬深

白雲聳霄漢。蒼遠布雄姿。極目望珠海。深沉起壯思。龍蛇及虎豹。連躒何參差。管子百年計。樹人事始基。十週策邁進。九仞功不虧。后稷播百穀。神禹辨土宜。咸以民為食。國本繫於斯。收穫賴技術。鑽研不遺時。粵稽彼歐美。製作殊精奇。造化雖玄秘。巧工常奪之。日新而月異。吮吸吾膏脂。乃至衣食住。末以塞漏卮。推言禍之始。工



院學法之中築建

又

蕭華陸

勝境畫圖開。危樓聳傑閣。閣建在石牌。百年樹人作。雄
據數平岡。置棋炳星若。巒舍復巍然。山川氣磅礴。岡巒
平起伏。池沼魚龍壑。桃李滿公門。春風忻振鐸。農院甫
落成。轉盼耘收穫。工事已竣遷。修業頻攻錯。博學以文
能。培材以禮約。救國賴興學。群抱濟時畧。隻手挽江山。
誓掃匈奴虐。校內絃歌聲。四時咸與樂。山峙勢連綿。白
雲繞其廓。十週慶祝期。典禮隆開幕。音樂奏悠揚。員生
皆踴躍。濟濟一堂懽。士林多庇託。

又

梁格

南方有大學。中山獨得名。主義與建國。年年造羣英。于
今已十稔。石碑樹新聲。義勇救國難。才能復練兵。校訓
十年後。天下盡英明。

七古 十九首

國立中山大學十週年紀念暨新校舍落成

成誌慶

趙戴文

雲挺近郊。譽望驂相馳。迢迢二千載。謂不有其餘。日月
所沐浴。祝融所歆歔。靈化寧自己。顯晦固有時。丹臺偶
舒嘯。俯視卒然瞿。何時委宛山。浮海潛來都。戢戢鮮而
湊。羅羅小而歸。上正與宛中。樓閣紛參差。金薤與琳瑯。
歷歷無不窺。堂密有美松。鬱鬱青相敷。怒濤激天風。我
遠聞其虛。更望鐵峻嶠。飛白似爲茶。一囀天刻
茶園二字峻絕誰能
上。輕縹氣如微。極視際天水。珠海帶縈紆。夜光一迴映。
寒木皆春華。璀璨恍玄圃。正宜群仙棲。東西辨朝夕。滌
瀆何荒樸。目給更手敏。誰則能盡圖。吁嗟此胡名。人云
是石牌。孫公之所經。國學之新規。鄒魯之所營。而
今克定居。


神州大學疇最高。中山首創獨超超。十載艱鉅仗楚翹。
鄒子海濱人中豪。總理遺型銅像標。菁莪樂育賢才
招。建國方略綱目昭。精進努力邦乃牢。瀕年多難風雨
搖。興築計劃付滔滔。申歲重營慘澹勞。工鳩材庀羣策
操。人定勝天不屈撓。石碑基奠秩有條。規模闔肆景物
饒。院廠臺館錯復交。公路七十里而遙。全址萬畝廣沈
寥。應有儘有兼容包。竹木菓卉環周遭。藏修息游永夕
朝。教者學者泯無聊。珠江流域鍾毓苞。佳氣葱鬱絕塵

嚮。人文蔚起在吾曹。不敢不勉志勿消。拯救民族音嚮
嚮。人和天助學術調。千羽舞階格有苗。俚詞摛以貢同
胞。


又

許世英

壽考作人周德馨。械樸芘芘莪菁菁。漢代賢王有光武。
投戈講藝開學府。大哉中山堪與肩。手創庠序育英賢。
白雲山高張後壁。珠江明麗鋪前席。縱橫棟宇何恢廓。
農工法院已堪落。作者述者在求長。太學三舍何壯哉。
教育乃爲治之本。得弭爭心太平永。大道爲公溯孔聖。
表彰闡發賴鄒孟。雕龍奭談天衍。顛撲不破精神滿。繼
志真同孟子展。



室教系學質地物生院學理之中築建




室教系程工學化院學理之中築建

又

中國國民黨直屬區黨部
漢陽兵工火藥廠

械樸作人古所重。多士峩峩爲國用。世運遞降世風頹。
吁嗟庠序教亦墜。遂使堂堂炎黃胄。文化落後外人嗤。
粵嶠何幸靈氣鍾。篤生國父開鴻濛。革命勤餘垂遠慮。
學府手創規模宏。厥工未歲星條隕。秉承遺命唯鄒公。
另闢石牌擴新址。百堵重興制益偉。舉校區分畝萬餘。
岡巒錯落連沼沚。風薰雨足稻花肥。暑褪秋初菱角美。
更有森林不計株。楠竹松杉和杞梓。巨材取用無盡藏。
生產教育基於此。樹木樹人意兩全。或者十年或百年。
扶危定傾起衰弱。重任深期斯校肩。猗歟 鄒公不辭
苦。精誠一貫人共覩。次第經營慶落成。誓竟全功報



建中之理學院天文數學系教室

國父嶺雲南望鬱崔嵬。紀念遙祝江之滄。

又

冀貢泉

白雲山擁層樓起。門前浩蕩珠江水。巒舍如林倚碧霄。
萬頃廣廈庇多士。濟濟多士如雲屯。達材成德荷陶甄。
網羅英俊樹學府。爭說當年創造人。創造者誰 孫總
理。領袖主持有鄒子。校舍散處非所宜。爰選石牌定新
址。殫精竭慮起宏規。慘澹經營閱歲時。寢食不遑事興
築。力排萬難奠新基。新基袤廣百餘頃。池沼岡巒好風
景。分期建設更分區。絕大規模無與並。種成林木萬千
株。青翠連天繞室廬。樹木樹人渾一樣。盡教化雨遍涵
濡。巍巍 總理鑄銅像。起敬肅然生感想。昔年付託幸
完成。爲國爲民兼爲黨。百堵皆興設備全。農工法院喜
新遷。恰逢紀念堪同慶。屈指經營已十年。不遺在遠貽
書告。令我歡忻幾舞蹈。參加盛舉恨無緣。勉成俚句聊
相報。中山校譽彌九垓。祝君努力好栽培。樸械菁莪敷
雅化。而今救國正需才。

又

新建程時焯

泱泱華夏居亞東。兩戒山河相峙雄。文化發揚有先後。
逾河跨江百粵通。明清鉅儒紛輩出。詞章義理一爐融。
新潮澎湃撼南澗。中山應運亶天聰。三民揭策萬流仰。
石牌千頃開巒宮。人才樂育今十稔。後賢繼軌基益崇。
棟榭遍植利山澤。輪輿梓匠鳩衆工。觀摩學術貫中外。
鴻猷遠播歡忭同。斡旋天地本所學。異時羣彥圖豐功。

又

張紹棠

白雲峯下珠江畔。巍巍大校中國冠。萬間廣廈拓宏規。
十載流光去如電。粵維 總理創其始。導我民族光吾


漢。主其事者惟鄒公。締造經營心力殫。滿城桃李屬公

又

李海雲拜撰

門。廣被春風羅羣彥。石牌新校今落成。恰逢十週作紀
念。誅芳翦土闢文明。傑閣崇樓美輪奐。歐亞文化聚一
堂。農工理法各分院。規矩制度恢且宏。氣象光華耀以
燦。更有山水助清興。岡巒起伏湖濼灩。胸有邱壑策
劃。今人見之汪洋歎。佇看功業竟其成。士風不振文星
煥。安危須仗出羣材。且爲國家儲棟榭。

翠巘層樓接大荒。雲山佳氣鬱青蒼。欲期多士安縣最。
更築新巒擬建章。建章昔日矜瑰異。萬戶千門工位置。
鳳闕惟聞侈美觀。鱣堂豈肯謀從肆。主持風教有時賢。



建中之農學院化學館

廣厦恒思庇萬千。十載經營勞繼述。四方卜築仿伊繩。

東序西膠取次起。規模直欲凌歐美。魯宮泮沼固莫京。

漢代圓橋甯足比。頻年經始日程功。三院先成將作工。

苟美苟完知有待。辛勤原不負初衷。別有圃場同版築。

為謀生聚饒儲蓄。樹人樹木固兼營。利賴百年宏教育。

落成喜值十週期。前事不忘後事師。作室尙思隨武子。

躋堂應頌魯奚斯。此地由來文獻盛。異才輩出應時命。

曲江相業導先河。忠簡甘泉張後勁。即今世變日縱橫。

已覺前賢畏後生。好憑學殖三餘足。要使雄材百代驚。

嗚呼。歐風東漸學斯下。應有羣倫扶大雅。春華秋實各

隨時。坤轉乾旋惟健者。茫茫天步正艱難。砥柱誰能障

倒瀾。願貢卮言斬學子。處堂應作臥薪看。

又

高明縣縣長何晏清

巍峩巒舍煥然新。遠隔塵囂粵之鄙。規模宏偉壯觀瞻。

設備萬全無與比。莘莘學子便藏修。作育英才資器使。

方當黨國正艱危。狂瀾力挽憑多士。撫今思昔溯源流。

慘淡經營由。總理筆路藍縷草創成。彈指駒光十載

矣。哲人其萎失憑依。展拓宏猷中道止。繼承先志幸有

人。懸的以赴賴鄒子。殫思擊劃歷多年。再接再厲心未

已。卒底於成遂初衷。廣厦千間輪奐美。佇看他日拔茅

茹。濟濟公門盡桃李。景懷先哲與時賢。立德立功不勝

紀。

又

(仿文選體)

王遜志

襟珠海兮枕白雲。靈秀聚兮啓人文。建大學兮集邱墳。

敬其業兮樂厥羣。追洙泗兮濟河汾。儲國材兮出立勳。

又

南海九江關温伯

虞舜鳴琴尙在床。夏王鑄鼎萬年長。天生聖哲遺千載。

人仰公明洽萬方。紀念至今貽永世。遵循大道守康莊。

現今革命功成後。合築新台誌不忘。國立中山新校舍。

農工文法何堂皇。端居校長斯文在。滿座春風衆迥香。

學子莘莘皆守訓。應留紀念獻文章。精神貫注才堪證。

所以摘詞頌不遑。


又

吳敬軒


廣州之東北郊曰石牌者。地勢平濶。原野清曠。陂池交屬。國立中山

大學新校舍。錯置其間。若散棋布。伏誠郊游之勝地。藏修之絕境

也。秋日餘暇徘徊其間。見湖水清湛。微波回縈。因憶吾家錫水村。



館學蠶院學農之中築建



場造製產農之中築建

平遠東石鄉。清溪流水。或為河塘。康總角游鄉校。輒過其上。見雲

樹掩映。清可鑑人。曾叔祖父大人文甲公。或携游溪堤。指煙水明

滅處。曰。此某鄉塾。有賢師。汝恨不得游其門也。今時移世易。民

國十九年夏。共匪亂後。鄉校多已蕪廢。二十年春。文甲公亦歸道山。

今歲春半。偕漱六歸里。見溪水依然。昔日鄉塾。多壞散不可收拾。省

念童年情事。如唐宮白髮。遂隔滄桑。今觀石牌川原之幽美。巒舍之

瑰麗。雖幸大學文教之昌。益深故園春草之思矣。沂前塵於天上。撫


景物於毫端。攬筆抒懷。慨然有作。

中華民國紀元二十有三年。夏曆重陽後六日。吳康敬軒記。

嶺南山水天下奇。羊石奠都珠海湄。秦宮漢殿越王臺。

時世邈遠疇能追。於今海國風雲會。獨拄天綱與地維。

二十世紀新中國。維新革命粵人師。清末戊戌維新主者康長素國民革命運動領袖孫中山皆粵人也



處事辦股務總場農之中築建

歸指點長堤兩行樹道有賢師主塾課恨兒不得入疏
附卅年塵迹盡滄桑人間歲月知難住出門萬里送兒
行歸來松柏哭慈墓瓦屋陋巷朱門改依稀流水橋前
渡池塘春草憶當年是我兒時讀書處仙客棋枰一局
終鄉園亂後都非故浮生傀儡感名場隱迹殘編亦渺
茫賸有昔年書劍在颺零風月是他鄉無端倭艦來橫
海同驚東北輿圖改欲將文教挽陸沈十年生聚將期
待國難悠悠三載過民國二十年九月十八日軍陷瀋陽是為九一昇平
八國難之始迄今四省淪於夷狄轉瞬已三年矣
人漸忘危殆百年大計告宗邦自有復興良策在嗚呼
大覺今日石牌村五院分開學藝門中山大學內分文法理工農醫
六學院除醫學院暫留舊校外
其餘五院皆當先
後遷入石牌新校講業今時策多士興邦他日作元勳看盡春
山秋水綠人間萬事如轉轂百年披髮哭伊川思將文
教救民族臥薪嘗膽歲月新柔遠懷來懼未足他年霸
業躡扶桑東亞牛耳看誰屬

又

鄧孝慈



處事辦股藝農場農之中築建

中有大覺曰 中山崇念 國父勳名垂 闌闌貫塵蔽

天起未合公門種桃李 新校營求東北郊 早得石牌奠

基址 野花含碧沒蓬蒿 鑿山爲室道如砥 祭酒艱難策

大勳 三階重軒功倍蓰 十週紀念華堂開 今歲即二十三年十一
月十一日中山大學將
舉行成立第十週年紀念
並慶祝石牌新校落成

想見儀賓跋珠履 四海生徒入彀中 親

携玉尺量多士 九州風物記雲山 鎮日驅車若等閒 踏

遍山河窺兩戒 浮生蹤迹滿人間 新校地域分區各以本國行省名之
並於區內各識其行省所屬山川湖

沼之號故全校之清奇難得湖隄路 楚雨荆雲夢往還 想見蒼

茫雲樹裏 洞庭秋月翠眉彎 校內有洞庭湖陽
諸湖風物幽麗 天南寂寞悲風

訴未許江山哭遲暮 烟雨淒迷憶故鄉 此生總被浮名

誤 總角扶牆上學時 伊吾佔畢隨外傅 有時曾祖挈兒

詩

嶺南高聳一巒宮 此氣豪光轟九重 玉宇瓊樓掩天閣
畫棟朱樑豎碧穹 遠岫蜿蜒垂青霧 環扣珠聯無去路
復着天公塗紫金 牡谷曳雲求出處 沙嶼漠漠遍巒篁
更映山光與水光 秋葦何事榮枯草 松柏無端潤夕陽
南國英賢衢路通 天下士子盡歡容 斯堂創奠功誰大
孫公後繼有 鄒公

又

古直

鮮原錯落百徑復 人道曩資逋逃族 是誰筆路啓山林
突兀眼中萬間屋 當年 孫公再建旄 戎馬倥傯思英
髦 辟雍鐘鼓已陳設 度此更應學在郊 長圖大念未終
畢 一旦賓天同失日 國事蒼黃歷幾秋 弟子 謂鄒
校長 歸來

重攘剔 攘剔平修百堵興 千夫救蕘鼓難勝 知明始果
遺艱寄 辛苦終將末命承 承命量功不愆素 碧瓦朱欄
映雲樹 群公濟濟各升堂 引領諸生由正路 由禮由義
士之常 有廉有恥邦其昌 欲將民族興亡意 一證禮堂
舊講章 孫公在舊校禮
堂講民族主義


或疑有廉有恥四字太生 案行已有恥 見於論語 而日知錄引吳子
曰 凡制國治軍 必教之以禮 勵之以義 使有恥也 夫人有恥 在大足
以戰 在小足以守矣 又引羅仲素曰 廉恥者 士人之美節 士人有廉
恥 則天下有風俗 然則有廉有恥 蓋常語也 (自注)

又

陳鼎忠

中原勢窮氣未止 斗牛分野開南紀 百蠻環拱水浮天

內有繡壤平如砥。雲飛棟桷連百廩。綺合霄塵紛九市。獨遺東郊爲甌脫。莽莽平林叢荊杞。是誰揚天磨巨刃。剗削根崖張壁壘。椎輪積水自中山。大輅堅冰得鄒子。北據五嶺經靈臺。南吞瀛海環壁水。四十六碑勒遺經。千二百間蒸髦士。憶昔蠻夷大長佗。手持馬筆鞭交趾。



室貯存具農務總場農之中築建

魁結箕踞效夷言。黃屋左纛徒滋侈。儒冠陸賈自北來。祇輦千金歸故里。孤鴻海上瞰三珠。風度幾人曲江似。獨幸天不祐英賢。韓公貶謫蘇流徙。文采風流浴殊俗。始革雕題襲冠履。千載而後得同氣。儀徵南皮兩節使。駢羅琬琰鐫陳編。式廓靈沼育蘭芷。學海廣雅何崔巍。前陳禮器後圖史。遂令明珠翡翠華。儘有瑤環瑜珥美。

遜清末葉三維裂。九世復仇異人起。既揮天戈盪堯封。即昌文教一倫軌。孰云鄒衍祇談天。經術湛深無涯涘。方今混濁九流紛。眯目糊心亂朱紫。幹棄周鼎寶康瓠。競駕騫駘棄駮駟。落植人爭效原伯。徵藏久不聞李耳。賴有鴻儒主辟雍。芟削群言定國是。繫余滄江臥病人。搜索山巖稽姚姒。蠹魚未得食仙字。飛蠅終日鑽故紙。幸如河伯放秋水。得見海若語大理。摩挲古琴一鏗然。共張元音革變徵。春秋一統非虛言。素王三世多微旨。行見窮髮謹梯航。寧徒肅慎貢楛矢。浩歌浪浪九閩開。八尺長劍天外倚。

又

曾運乾

神州胤胄炎黃遺。赫赫燭龍昭四垂。武員械尸八肱裂。簫勺羣慝儕皇曦。朱明絕紀東胡踞。劇心刮髓快所私。祝融上訴帝憑怒。篤生孫公坤南維。高掌遠躡世未有。獨力屹將天柱撐。百王政典供掬搏。盪滌殷周溯姚媯。武功赫然屈羣醜。還期文德羅民儀。建國軍民先教學。經師易得艱人師。恭默思道歷羣彥。曰汝鄒某宜尸之。會城東郊有閒地。學就陽位禮所宜。規撫方艸雍宮對。懋簡翻成末命期。於穆林蒸遽賓帝。成功未覩嗟可悲。事有迺邇計有逆。當年羣從多華離。鄒公旁游百廿國。寶書一一繙荒夷。斟酌內外得著蔡。殖學活國貴曷辭。追維末命益刻厲。八年座復擁皋皮。乃正厥位界厥兆。植槩以水景以規。北依嶺嶠作靈臺。南引珠江環頰池。擎天一柱竦銅像。測日八尺樹周髀。表端景正兩立極。國是天步罔所疑。洪基既奠百事集。刻日程功無委蛇。千夫畚築約且椽。萬指刻削鱗之而。霹靂應手運斤鑿。

山狂谷很輜楯標。呈材效伎不愆素。眼中樓閣騰參差。是月之良日在吉。考宮盛典攀周姬。高臺巨桷漫丹雘。矢枋鳥鞠爭精奇。千二百間狹唐典。十四博士陋漢儀。終始典學幸不辱。旅付託命鐫之碑。我昔曾稽成均法。三五緜褊罔聞知。出征受於徵殷制。洎泮獻馘歌魯詩。



室藏貯品產務總場農之中築建


合宮噴寶匪異處。興廢繼絕今其時。願公更斥爽垲地。規爲四門肅穆明堂基。

又

鄒倬民

學校紀念孫先生。不在空知在實行。三合弦歌忽十載。時雨春風桃李盈。元老魯公荷重託。筭路藍縷檣械樸。中間人事未能齊。猶幸今翻重秉鐸。石牌新校幾經營。

翼翼巖宮不日成。朱欄玉砌迎朝旭。燈籌書幌燦明星。舉目艱難瞻國步。萬幾一日煩應付。更加財帑不充裕。袞闕尤須山甫補。魯公寵辱兩皆忘。只識當前大道光。振衣邁進鏗不舍。至今綠竹棲鸞皇。珠海湯湯環玉帶。巍巍雲嶺排青黛。中流砥柱植東流。西經石門開駿騁。如茵嫩草綠芊芊。森森萬樹拂青天。朱標錦軸藏書府。



室住任主場農之中築建

理。大學創辦非尋常。應從何處覓校址。校址原來定石牌。離却羊城數十里。市遠不聞歌舞聲。地寬盡得風景美。四圍林木鬱且蒼。湖光潑灑映夕陽。白雲山環供游騁。珠海繞前何汪洋。驚人事業乘時勢。大厦欲成資棟樑。籌建端藉群公力。匠心獨造費思量。思量一一都如意。移山豈讓愚公智。堂院喬皇觀彩霞。室場儘教雲日麗。中有銅像獨巍然。崇拜總理各爭先。粵是革命策源地。校名中山名益傳。植樹尤爲人愛惜。點綴河山便生色。況是生利利無窮。十年可奪造化功。還看校前關道路。路上雲飛秋已暮。秋暮新校喜告成。十週紀念欣又遇。爭傳三院預鶯遷。農工法三學院兩院功成卜明年。文法兩學院不材愧無坡仙筆。也學蟲吟賦一篇。

五律 廿一首

國立中山大學十週紀念賦詩誌盛

林翔

遺韻未云歇。悠然絃誦聲。英才滙百粵。正義衍三民。教訓十年久。涵濡大器成。宮牆新氣象。持此勵諸生。

又

蒲城李元鼎

嶺表崎嶇日。百年爲計多。一身尙鞍馬。衆士已弦歌。贊宇頻增廣。人師重網羅。蔚然成學府。南望賦菁莪。

又

劉峙


十年欣樹木。手植象章來。時雨書池淨。春風學舍開。先民遺化澤。君子樂英才。陶冶無雙士。黃金好築臺。

又

王柏齡

方畧徵開國。元功在樹人。英才得時雨。髦士各凌雲。遂

令山河日。還看草木春。即今瞻棟宇。感慨念遺文。南海屠龍後。西江逐鹿餘。方提三尺劍。誰奉五車書。講肆猶依廡。傳經等帶鋤。艱難一回首。夏屋此渠渠。記昔操鞭弭。追隨戎馬中。石碑初卜地。頽水未成宮。幾歷雲雷劫。終完土木工。山頽梁壞後。思慕慟無窮。黃浦威名重。中原戰伐高。安危勞締造。文武各英豪。故



室溫股藝園院學農之中築建

友多先烈。吾生亦二毛。後人期努力。海宇尙囂囂。

又

中國國民黨中央委員 崔廣秀

強哉誠矯矯。嘉木植千章。競艷劍橋美。爭爲珠海光。十週共高會。九有相揄揚。努力鏗不舍。迺興我種黃。

哲學科學各鑽研。桃李今朝種石牌。他年松柏出租徠。知之匪難行者易。無忘此日樹模楷。

又

廣東通志館名譽採訪 林鶴年

國家培才重教育。先生此道籌已熟。曩歲國事頻勞勞。比年學務更逐逐。憶自十三年春始。一命秉承先總

制弘三代思潮湧百科。豈惟輪奐美麟鳳。實肩靡。

又

楊世澤

夏后傳東序。有虞昭上庠。中山遺澤在。大學令名彰。繼述知良苦。經營喜允臧。十年回首處。努力更難忘。

又

旅雪蘭莪
中醫士 大埔饒芝田

夏政興學校。文質已彬彬。中山尤注重。鄒魯更維新。地關三千丈。工施幾萬金。農林為基本。桃李又逢春。銅像作儀型。為領導國民。文章千古煥。政治萬年清。俊傑知時世。英雄識重輕。內和堪雪恥。全體是強兵。十年逢紀念。三院幕齊開。修身敦教化。強國仗人才。中庸興工藝。大學重理財。玉琢方成器。良材取此栽。王霸原有術。學然而后行。興亡觀教育。強弱視人民。濟濟趨多士。巍巍享大名。禮成樂迭奏。後起望諸生。

又 并序

番禺鄔慶時


二十三年十一月。慶時自龍門回省。出席第四次全省教育會議。適值國立中山大學十週年紀念。同時舉行慶祝石碑新校舍落成。農理工三學院開幕。農工法三學院遷入新校。文法兩學院奠基。第四次全校運動會開幕。承校長 鄒海濱先生東邀赴會。并徵詩文。憶十五年十月。慶時到校任庶務部主任兩次。在新校址參加植樹。於今又將十年。感賦一律。

莫忘為山苦。山從一簣成。江流看不盡。春水喜方生。到處尋鴻爪。諸雛振鳳聲。十年慙樹木。相對不勝情。

又

文學院英語
系三年級生 羅啓蕃

文教遵遺訓。涵濡十載中。艱難思締造。作育啓愚蒙。因創資時彥。栽培補化工。樹人兼樹木。盛事紀無窮。



農學院森林股新建築辦事處

又

雷殷

學府西南最。薰陶春復春。英材羅五嶺。主義接三民。璞玉攻彌淨。精金鍊益新。風前思往昔。千載得傳薪。鱣堂今式廓。鹿洞更知名。熟讀三章法。兼諳五穀情。考工傳梓匠。周禮重虞衡。華實歸喬木。欣同出谷鶯。萬畝橫經地。千章布綠陰。雲山供阮嘯。珠海聽牙琴。博涉多佳趣。藏修愜素心。此邦垂教澤。富庶匪伊今。憶昔承司業。委蛇愧北平。紅羊嬰世劫。黃卷殉儒坑。粹觀文翁化。高懸太學旌。萬方多難日。摑拄待群英。

又

中國國民黨荷屬
總支部常務委員 藍耀唐


嶺海崇民治。才難事孔多。十年勤樹木。萬里仰先河。學

七律 四十首

國立中山大學十週年紀念并新校落成

黃旭初

文化淵源此最深。涵濡遺教到於今。百年根本培元氣。十載經營費匠心。廣廈萬間逾學海。學東粵有學海堂。清時得人稱盛。英才輩出重儒林。羊城自古鍾靈秀。秋實春華總可欽。萬頃東郊拓講堂。西南學術此津梁。霧深豹隱雲峯白。潮挾龍騰海氣黃。鬱鬱羣材資愛護。莘莘多士得脩藏。中山革命策源地。締造艱難詎可忘。



建築中之工學院機械系製圖室及材料實驗所

又

崔嵬建築珠江上。山繞白雲伏脉長。棟宇千幢區學院。
森林萬畝識農場。成均廣雅分今昔。邪路牛津與頡頏。
紀念落成稱盛典。詩文圖書盡琳瑯。

又

十年造士萃英才。學子莘莘廣厦開。舊識新知宏教育。
春風化雨重栽培。業群漸進期無倦。狂簡成章取次裁。
差喜專長堪鼎足。他時首許棟樑材。

又

巍然學府建南天。形勢嵯峨氣萬千。座以山川爲戶牖。

王家烈

材搜歐美共鑽研。琳瑯滿貯少陵厦。風雨爭先祖述鞭。
爲是沼吳資教訓。十年勾踐未遷延。

又

十年桃李滿羊城。杞梓楸枏各有成。既得湖山增式廓。
應多雨露被羣英。萬間院舍連雲起。四處菁莪向日榮。
最愛門墻塵示到。巍峩銅像覺崢嶸。

此地堪稱別有天。蒼茫極目却無邊。千重邱壑千重翠。
半作園林半作田。車馬駸馳分幾道。構堂輪奐裊餘烟。
石牌自是名遐邇。接近東山聽管絃。

又

建國從來教學先。鴻規經始十週年。公能有志成艱鉅。
士盡歡顏庇萬千。救世材披儲鵠舉。專門校列慶鶯遷。
樹人樹木長流澤。百粵儒林一煥然。

總理遺模今擴大。論功山並白雲高。得叨哲匠成翹秀。
定出群英譽俊髦。革命策源資紀念。育才闢地不辭勞。
愧予建設纔膺職。驥附畫同意氣豪。

又

十載梗枏樹植成。中山遺教被羊城。墟崇百堵連雲起。
澤沛諸生化雨盈。講肆宏開超粵雅。英才樂育邁周楨。
心傾嶺表絃歌盛。遠愧奚斯作頌聲。

又

當年駐馬橫戈地。今作西南太學來。設院四科基不壞。
拓田萬畝舍宏開。鴻都刻石希前烈。虎觀談經廣異才。
校訓勿忘明恥語。要將絃誦化蓬萊。

吳在民

何啓澧

青島市市長沈鴻烈

何啓澧

又

西冷李景熙


趙清權

又


趙清權

又

趙清權



建築中之工學院電氣製圖室及電流波實驗所



建築中之工學院機械實習所

誕生我校十週年。功有還須念厥先。堂構莊嚴冠海宇。規模宏大跨坤乾。童軍個個居向後。運動人人爭向前。從此奠基遷舍後。迎頭趕上賴英賢。

又

覃懋材

學府閎開萬畝寬。湖光蕩漾兀岡巒。杜陵廣廈真償願。

珠江前繞白雲環。玉宇瓊樓幾萬間。東閣羣賢舒遠矚。南天多士盡開顏。書聲清澈花偏靜。樹影縱橫鳥自還。指日棟樑當地富。玉成何事借他山。

又

李奇

國計民生藉建基。立言功德總能期。中西文化齊鑄。山海奇才共騁馳。大匠施規無廢物。學模垂訓有良儀。新興華廈憑努力。校史流芳萬古知。

又

方其道

桃李東風花滿林。十年費盡苦甘心。遙知夫子門墻峻。想見先賢化澤深。廣廈渠渠登馬鄭。一時濟濟育顏參。舞雩歸去春無限。不問浮雲變古今。

又

私立執信
中學校校長 楊道儀

樂育菁莪更有詩。樹人不負百年期。風霜十載心良苦。桃李成谿手澤遺。大道昔聞傳後覺。馨宗從此得光施。縱橫萬畝絃歌地。化雨春風坐我私。

又

古巴同志社總幹
部駐粵全權代表 吳子齡

崔巍學府鎮羊城。結構鳩工已變更。十載經營期衆志。千秋紀念見群情。歐風美雨應同化。殷序周庠莫與京。更有落成新校舍。農工法院共遷鶯。

又


井序
清遠縣縣長 吳鳳聲

周室膠庠未足觀。遍地竹松資月餽。滿門桃李媿春官。人材救國從今起。十載經營作始難。


又

王以文

雄鎮珠江海不波。宏模雅範燦銀河。鐘鳴五院來英俊。籟靜三餘好切磋。風月千間容笑傲。雲山萬樹任吟哦。良辰美景知無限。桃李芬芳雨露多。



建中之工學院鑄鐵廠



建中之發電廠

目的。又可知也。安可以無以為頌耶。頌曰。
憤懷國事竟如何。彈雨槍煙到處多。倭寇為隣頻肆虐。共匪同室也操戈。游民徧地誰施教。學子從今且放歌。生產提倡基教育。海濱流水已盈科。
中山新校仰巍峨。知否伊誰執斧柯。竹樹紛紛彌萬畝。

岡巒起伏勝三河。農工法學休嫌少。畜牧蠶桑不厭多。救國救民欣有賴。最宜生產誓靡佗。

又

嶺東民國日報社社長 吳梓芳暨全體職工

棟宇崢嶸燦石牌。山河映帶景尤佳。孫公創始規模遠。鄒老秉承計劃諧。五院分科功並著。三民共信義非乖。樹人樹木原同軌。萬里前程愜素懷。

又


呂哲公

上庠東序承虞夏禮樂詩書萃此中百粵文風欣郁郁
十年化雨感濛濛新基斯奠千秋盛古教還遵四術崇
修己治人今有自買絲端合繡鄒公

又

蕭濟川

國子先生不自休經營今已副忠謀學宮氣象能恢大
郊野風光轉靜幽疏密園林林院宇高低池沼並山丘



塔水來自之中築建

昔時蔓草荒烟地多士從茲共息游

嶺南自昔多英傑方物叢生杞梓材木以斲雕成用器
士經培養出通才古今默識資時習道藝分攻極博該
努力進修期報國游談慎莫此中來

又 并序

何衍塔

月之十一日本校舉行十週年紀念及新校舍落成農工法三院遷
校典禮衍塔不學無文恭逢其盛忭快無量爰勉成七律一首七絕
二首(見後)聊以誌懷工拙非所計也

國立中山大學成立十週年及新校舍落成紀念特刊

不得憑高望八荒登臨聊復遣徜徉休驚疊嶂浮雲幻

且看秋林老氣蒼拔地早騰千尺志樹人奚待百年長

欣然更有興懷處大業完成國父揚

又

方孝岳

丹曦臨照九州同作法先基百世功囊括東西開講策
弛張王霸在牢籠山川長護登堂地風貌難留草制躬
此日泮宮新得地共推遺教極華嵩

又

溫廷敬丹銘

十年教訓具深謀豈第難忘覆越仇廣廈歡顏同大庇
寰瀛學術藉勤脩精神要使存中國氣象先看壓五洲
我正珠江勞夢想石碑經始憶前遊

又

徐紹棨

禺山東望鬱青葱巒宇宏開氣象雄五嶺文風皆振發
十年教訓費磨礱絃歌廣被菁莪化啓關無忘筆路功
嘗膽臥薪多難日偷安幸勿喜和戎
樹人樹木建良模壁沼園橋百萬株孝弟力田皆實學
詩書執禮勗吾徒農村挽救惟生產章句空疏陋腐儒
嶺表人文從此振不妨立著各分途

又

沙漠中人

九州莽莽歎迷陽漫對桑麻辦一觴水遠山環新學府
地靈人傑舊文章成均造士標明德廣東大學時期以明德
新民止于至善為校訓劉
向傳經信古香鄒校長承總理命創辦斯
校蓋不啻劉向之傳經也回首草萊懷故蹟石牌
地方十年辛苦話滄桑
初聞時鄉人反對甚烈當時農學院員生被毀傷者有郭植儀、
黃見、鄭富齡、張農、姚碧澄諸君今其行兜之所猶存在也
由廣東大學而中山大學其間波瀾重疊有
不堪回首者而今新校舍卒底于成亦云幸矣

又

傅崇光

石牌新校費經營初期計劃已完成十年樹木知多庇

九仞爲山仗衆擎雨化羣生桃共李天開一畫棘和荆

築亭紀念情何限締造艱難勇且英

百尺危樓結構新珠江環抱白雲鄰先移三院農工法
樂育群才智勇仁主義無忘懷國父師傳不習省吾身
勝地真堪游與息山川明媚絕羣塵

又

倫學普



廠水來自之成完築建

又

倫學普

整頓山河理校基廣場綠野認依稀十年已往人懷舊
越百重興效在茲且慶西南文物萃難堪東北學園非
巍巍銅像英風颯定有光芒耀國旗
樹人樹木未嫌遲宗匠栽材世所師幕府軍書紛旁午
郊原校址奠乘時前賢創業後賢繼救國雄圖舉國思

廣廈萬間新建設。大開門戶。庇羣儒。

又

周仲彝

如斯學府費經營。列院分堂建築宏。教育終償三樂願。
落成全仗寸心誠。其間修養容多士。此地登臨快衆英。
又屆十週同獻祝。年年繼慶永傳名。


睹本校附小童軍露營有感

梁奎照

——在萬衆歡騰之本校十週年紀念日中，

我所希望於諸小朋友者！——

總理門牆子弟軍。熊羆鸚鵡各成羣。角聲吹破珠江月。
劍氣衝開越秀雲。赤羽朱竿颺彷彿。操戈築壘效辛勤。
魯陽揮日磨須待。投筆安知不論文。



舍宿員職教之中築建

七絕 八十一首

中大十週年紀念併慶新校舍落成

胡漢民

不與淵明非講肆。十年艸莽見精神。陸沉聾聵知誰罪。
肯構斯堂尙有人。

又

陳融

珠海雲山表裏間。巍巍氣象盡人寰。每從物力殫殘後。
想見經營哲匠難。
生民未有如夫子。萬派東流識所歸。化育辛勤遺音在。
要從博大極精微。

又

鄒琳

羊石嵯峨講舍開。菁莪應自勝瓊瑰。十霜樹木風烟壯。
支厦還先儲異材。
慘淡經營閱歲時。薄他廣厦杜陵詩。歲人造士風聲遠。
勸業垂鴻最耐思。

又

寶山朱經農

鬢宇飛蕩接碧空。鴻基新奠竟全功。葱龍萬木霑時雨。
環繞珠江氣象隆。

又


河南教育廳長齊真如

廣厦宏開千萬間。春風桃李盡歡顏。從今環海同文化。
勿忘十年締造間。

又

順德伍蕃


十年拓地費經營。鬢宇新成享盛名。額手歡呼齊頂禮。
踴躍濟濟會羣英。



一之舍宿生男之中築建

如此江山待護持。宣揚教化漫稽遲。文場筆陣堅摧敵。
建國還須固國基。
救國何須仗甲兵。胸羅書卷足雄爭。一爐共冶鎔諸子。
百鍊金剛造詣深。
栽培萬畝日潛滋。嘉種如時雨露施。生長繁榮欣樾蔭。
寸心共表日傾葵。
又
山環水繞景清幽。正好藏修與息遊。記得樹人兼樹木。
菁菁應許百年求。
極目方知創業艱。田疇在望好家山。憑高爲問蒼生苦。
戎馬愁添壯士顏。

何衍璿



二之舍宿生男之中築建

和鄒校長新校雜詩

五十首


任啓珊

立懦廉頑七字中，敢云同曲又同工。由來潤色文儒事，且學奚斯頌魯功。
國父能知不世才，南中文運自天開。笑他騶衍空言說，公實環游瀛海來。
當年手創萬年基，事事何嘗副所期。此日重來重董理，古今中外酌其宜。
獨把山林化泮林，栽成大輅與南金。三民主義終天在，繼述中山救國心。
黑旗故壘至今留，抗日台澎可求。君子六千能破敵，干戈絃誦好雙修。

國立中山大學成立十週年及新校舍落成紀念特刊

詩

白雲碧海兩相生，形勝天然莫與京。中有三江來會合，三民主義合完成。
四方孰敢犯吾疆，宮室園林自一場。我有藩籬先自固，安排竹箭萬千強。
萬畝鄉環此構堂，牛津鹿洞豈能方。萬邦來學原無類，何用高高萬級墻。
下有軺車上羽儀，域中馳道任君馳。人云七十里而遠，君不行時君不知。
山何高也谷何深，銜石移山具赤忱。天下不平吾輩事，不曾平治不安心。
取道西南入此宮，峨峨銅像出蒿蓬。聲嘶力竭渾忘倦，心事無窮滿腹中。
五之遺教久彌光，重勒貞珉抵萬章。行易知難時記取，莫迷文繡與膏粱。
權姦蠹國忿難平，太息英雄髀肉生。慶父若教天褫魄，寧須十載復幽營。
初關東臬駭老農，相攻鳴鼓又鳴鐘。從來新舊為冰炭，雖有儀秦莫折衝。
高瞻遠矚陟羣岡，得此湖山喜欲狂。複沓迴環鐘恍惚，分爲五院合成章。
朱垣碧瓦出山莊，太室昭堂震遠方。士貴耳王者不貴，成功今比未央強。
任爾東西南北來，上從士女下輿臺。省區藩服時經眼，莫使他人指染哉。
泰華恒衡峙域中，側峯橫嶺各撐空。而今五岳皆來會，畢竟人工勝化工。



三之舍宿生男之中築建

四三

橙黃橘綠品評忙。佳釀殷勤拾落桑。爲問把鋤諸學士。一年幾許果登場。

疏疏密密剪裁忙。下下高高有弱強。李代桃僵勞辨認。可憐護視日千行。

耐寒花自北方來。海氣薰蒸白快哉。此地花時不見雪。勿忘來日雪成堆。

綠竹菁菁碧到天。一亭如角戴山巔。豆瓜飢溺思量否。慢眺雲林景物妍。

莫從初地說西來。血漬模糊木石隈。他日巋然亭在望。霽東野語一堆堆。

洞庭景色此尤佳。天着君山水一涯。後樂先憂文正記。自公退食勗同濟。

誰將錐末刺天皮。形影分明筆兩枝。惜寸惜分惜少小。與時偕進莫矜奇。

碧鬣蒼鱗氣象多。問君懷抱近如何。自慚覆載輸天地。上止胎禽下薦蘿。


鳳有高梧鶴有松。深山大澤足蛇龍。天池仙井源源水。無溢無乾無夏冬。

新開鑿舍起田園。利用前民大匠門。天地化工供役使。木牛流馬不須言。

地平如砥直如竿。蹴鞠彈丸萬衆看。於競技時思競學。朝朝廢寢又忘餐。

俄然一洗舊汚風。雖畜耕耘收穫豐。移體兼能移氣息。人工果爾代天工。

同餐同舍更同心。易謂同心利斷金。親愛精誠師國父。同心未有急於今。



舍宿生女之中築建



機荒墾之場農

課餘携手好同行。今日文場此築場。一豫一遊皆有得。

滿家學業各種穰。

芄芄蓼蓼復菁菁。械樸青莪滿地生。講舍禮堂同進退。

緝熙將就日光明。

九地形成九疊臺。艱難險阻不徘徊。沉舟破釜居然勝。

又見拔山蓋世才。

風雨陰晴禱未央。勸功簞食並壺漿。辛勤博得天人助。

廣廈千間五嶺陽。

細推物理與人情。唯上胡爲綠竹菁。木本水源須識取。

海濱鄒魯實符名。

未有才能足寸分。更無絲薄補辛勤。中山衣砵公傳得。

田硯心地及時耕。

動植飛潛欲並生。長林緜渺使人驚。榱崩棟折須支柱。

國子先生眼力明。

稻種優良歷試成。如天民食手先擎。中山白飯人知味。

南畝西疇滿眼菁。

作繭調桑萬手成。一絲一縷費經營。神蠶八造綢繆密。

莫使扶桑寇夜行。

尼山蔬食自年年。何必萬錢肆几筵。咬斷菜根須耐苦。

忍能有濟不其然。

試把茶經一展開。龍團雀舌案頭來。相如消渴文園裏。

今日沈疴何有哉。

遺教遺容我見聞。

雅量沖融不自多。箴銘贊頌兩蒐羅。先成五十陽春曲。

一一分明訴所過。

手振天機雲霧開。高文典冊萬流推。大章豎亥行天步。

豈是邯鄲學得來。

又

李翼純


美盡東南學府高。英才教育樂陶陶。人羣造福惟斯校。舍我其誰志願豪。

締造勳勞思國父。勸君努力向前程。知難行易傳真訣。有志何憂事不成。

又

王越

大好神州望眼開。註層樓遙壓越王臺。中都佳氣蕭條



農場農藝股稻作之一

甚。收拾河山起異才。

註 石牌新址。岡巒起伏。大道縱橫。俱以五嶽及行省之名名之。遊於此者。不禁有舉目河山之感。

又

軍訓部主任李蔚然

械樸作人鄒先生。振興文化實符名。十年桃李連番熟。手創巒宮值告成。

築成大廈集羣才。滿目琅玕八寶開。淹貫古今中外學。紫陽風在講經臺。

愧任師門射御科。培才我亦賦菁莪。他年黨國宜勞士。執筆還能解執戈。

又

饒書六

碩畫宏籌冠亞東。文壇寬敞足稱雄。嵯峨各院如山岳。

高並白雲第一峯。風雲湖海氣縱橫。小憩湖亭數落英。觀罷低聲問湖水。

幾人心事與湖平。行行不覺到山陬。曳杖登臨盡日遊。一望白雲生眼底。

披襟長嘯立峯頭。分秧插竹事桑麻。獨此山頭徧種茶。救國先除民困渴。

十年教訓望無餘。

又

蕭華陸

龍門高築講堂開。鵬路飛騰千里來。摩劍春風增壯概。

萬花齊放出瓊臺。百年人樹好栽培。爲國儲材第幾回。械樸菁莪濟多士。

河汾教澤滿城隈。銅像巍巍肅仰瞻。萬民爭拜向前瞻。高風自古參天地。桃李成蹊化雨霑。

十週紀念喜鶯遷。卜築石牌奏雅絃。鹿洞傳經繇世澤。沼池猶起躍龍淵。

又


註冊部部員袁黎年

綜合諸科萃一堂。我我多士喜相望。周庠殷序綸才典。千載悠悠可遠翔。

孫公遺教在民生。至計十年取用宏。殖產農場千萬頃。莘莘徒侶好勤耕。

美輪美奐具奇觀。錯落如棋布置安。庭院區分嚴序列。滿堂俊彥表臚歡。

聲光化電富包羅。教令嚴遵備六科。裕國殷民如此券。相期努力共磋磨。




農場農藝股稻作之二

賦

石碑中山大學校賦

朱子範

於鑠南服實維顯都牛女之野神奧之區北走則衡陽




農 場 農 藝 股 茶 園 遠 景

吳會南馳則漲海蒼梧聳五嶺之屏障浸牂牁之沾濡
盛衣冠之元氣耀出水之明珠迺有巽宮巋然上峙相
宅經營實爲總理翳大念與長圖學在郊而敬止將
以流元音於靡窮垂令聞而不已焉爾其地勢則白雲
聳其東花山耀其西襟鵝潭之浸潤浥鳳水之冲瀾噓

吸澎湃三江是通論奇則此鄉寶玉望氣則元洲靈宮
蓋靡詳於郭璞而莫詠於樊封也宮牆之內周匝萬畝
棟宇飛臺浮樑連綺張萬戶與千門列羊腸與魚齒委
宛結屈周錯邏迤反宇納景排空留晷其宮室則禮堂
周通天閣四關八桂威蕤三行矜式右學上庠講道積
德緬天圓而地方擬規周而矩直開闢闔兮九天肅章
逢兮萬國乃備禮儀合嘉樂面羹牆覆孕育於皇孫
公是率是服濟濟炎炎雍雍穆穆沐教化蹈中庸敷甘
泉披和風綿萬禩於紀念迄一週而始終赫赫銅像維
清緝熙肇禮有成羣蒙指摠陋金人之三緘齊玉軌於
四維化臻上理威涵外夷於以起莘莘之懷想蔭元元
之遐思者乎左則文教興蔚古風彬然右則刑名肄習
法律紛然負以農科之館第帶以理工之崇垣左塾右
塾前門後門洞房流雲寒谷吹暄第甲乙以相別紛東
西而競繁其上躋則參天洞秀列宿掩縹飛閣遏雲複
道陵嶽渾窈窕而不見陽旋天樞而繞地軸崇隆崔巍
紛錯金玉觚棱相翔棲爵競逐其下俯則廣漠無際高
下在心坂坻巖巖豁谷嶽岑玉階鈿砌繡帷錦幃珍液
雨膏芝房雪函啓扉兮峻路開軒兮晴嵐耀九曲之闌
干明一天之晴陰振木鐸流徽音召三德宣二南增唐
學之盈千跨宋舍之在三樂朝夕之游處惟寢息之是
酣味日晨興樓臺隱見彤彤薦雲曄曄震電擾擾綠鬟
祁祁紫硯惟此藏修永樂息宴其山則雁門太岳昆崙
祈連仙霞天台碣石玉泉擬天下之勝概名我宅之嶠
嶠維紫金之浩蕩儼陵寢之在宮漆鐙畫碧燐火宵紅
遐目鐘簾棲心軒弓緬十年之教訓感興亡之在躬敬


教勸學務財訓農噫古誨之可懷鑿巨嶽之嵒龍其湖
則昭陽洪澤鄱陽洞庭漱玉綿邈珊瑚縱橫洋溢汗漫
泱泱奔騰耀登封之玉女豔鳧藻之金莖蘋蓼萍實芷
岸蘭汀翮白鷺之欲下驚海鷗之飛鳴比目出羣魚浮
談棋渚鑄鼎洲通一泓之紫港照百尺之危樓雖比名
於夏駕實擬勝於凌秋若乃山道盤紆林木綺錯高樹



農 場 農 藝 股 茶 作 之 一 部 分

排雲綻葉侵幙竹林果園芳草嘉禾挺甘蔗之萬株產
芋栗於上谷麻苧長兮翳蓬蒿狂花落兮滿床屋東作
纔罷又報西成平秩南訛培植層城立國以務農爲則
養人惟稻作之英將以紀赤烏之瑞來丹鳥之榮吹秀
香於江表腴膏澤於毛亭爰求柔桑沃若下土帝女四

衢計子三輔。如條蠶月。青翠含吐。懿筐列而成行。鵝羽集而靡盬。宅之五畝。式歌且舞。其茶則碧乳白露。紫筍金沙。雲腴霜蔭。坼甲抽芽。恍成園而周匝。已彌望之無涯。爾其畜牧也。則蜂蠶彘。牛羊鷄狗。文成東海之冰。蜜漬醜慾之口。織錦而衣被千夫。釀醪而醞醞一斗。凜封豕而警惕。懼犬羊之疾首。思五德之炳章。放桃林其



農 場 農 藝 股 蔗 作 之 一

而佩實。其博物則鸞鳳鸞鶴。鶴鵲鸚鵡。英武兕。溪勅瞿谷。虎豹麟龍。犀象麀鹿。駱駝獼猴。熊羆蝙蝠。乍斂翼而廻趨。若盤牙而厲目。鱣鯉鯢鮪。鯢鯢鱒魴。蚺威蠪蝮。螟蛉螳螂。或軒轅而上奮。將欲飛而未翔。狒狒披髮而迅走。雌猴叩鼻而尾長。麀肖麀而角特。麕如熊而毛黃。爾雅不及載。山海所未詳。咸雲列而星羅。栩欲活而孔陽。其儀器則聲光電化。液熱氣力。跨水壓與汽。蒸明計量與流液。風飄星廻。雷奔電激。可坐視其變化。若指掌之歷歷。惟天地之殊異。倏風雲其不同。翳渾天之有儀。測陰陽於穹窿。齊七政於璿璣。納六合於三重。經緯星宿。分析澤風。變晴雨於俄頃。識颶母之所從。思續紛其若茲。每遐想乎遊踪。於時仲夏之月。人樂水嬉。肇浴沂之餘習。笑鼓枻之多儀。翻橫江之白練。激古水之淪漪。魚龍奔駭。蛟蜃潛吹。冷冷洋洋。紛紛霏霏。忽馳騫以追逐。恍鏤身之雕題。捷若虬龍。蟠若蛟螭。沒深淵。搜瑰奇。剖巨蚌。剔元龜。濯玄珠於合浦。翫明月於回溪。迨其罷弄潮。升廣場。整軍容。肅冠裳。拋一團之蹴踘。飛萬縷之縹緲。等龍門之嚴峻。人守關而莫當。別有威誇戎狄。耀靈講武。簡師徒。列卒伍。煒陳容。申令語。周旋中禮。步趨中矩。然後治兵大閱。蒐乘整旅。聲彌山嶽。氣雄江浦。暗

疲丹鉛。信研修之有所。篤禮教而莫愆。豈比乎躁進之士。異端之言。可以窺其涯涘。而測其方圓也乎。故其韋布之倫。肅肅踰踰。涵濡化雨。鬱為棟樑。和羹鼎鼐。布政明堂。惟學優而出仕。凜朱芾其斯皇。念中山之遺教。實邦家之烈光。更千秋而萬歲兮。得不虎步而龍驤。乃拜手稽首而獻頌曰。




農 場 農 藝 股 蔗 作 之 二

或有牲牲肥腴。既富且庶。銅山鏟利。寶井貢賦。孳乳銀槽。流連瓊庫。窮一歲之所營。將百萬以爲度。其典籍則玉軸金箱。紫文石室。堆青簡以排雲。校秘文而耀日。小史外史。經術儒術。搜河間之真本。儲魯壁之殘闕。同春明之借人。異杜暹之難乞。可以適材分之所當。咸銜華

所以狎旌旗之張皇。而撻水草之外侮也。若夫志定於斬刈。殺伐之際。功修於安人。靜俗之先。履仁履信。立功立言。端士習於夙夜。樹人材於百年。明明俎豆。洋洋絃管。或重文德。或識山川。或服農於吠畝。或講藝於名山。或科學求通乎上國。或刑律勤搜乎一篇。莫不勵德性。

孫公起焉。鄒公止焉。雄據石牌。耀四海焉。德行道藝。訓學子焉。攬彼俊髦。懷厥美焉。更千萬世。永瞻視焉。又 黎開雲 有客訊余曰。蓋聞學海開而儒雅盛。中大興而俊乂萃。吾子游學於此。亦既有年。亦能博我以文章。論我以顯



農藝股竹筍之一部分



農園股黑葉荔枝菓園之一部分

末乎。余曰。唯唯。南海故郡。夙號南強。星分牛女之野。地接獅虎之洋。左抱蒼梧。右鎖衡湘。滙三江而屏五嶺。控四海而抗中央。是故屢策革命。摧山拉嶽。盛南國之衣冠。振士氣於海角。維我孫公。獨稟先覺。思英髦以繼後。應在郊而興學。授命弟子。承奉厥謨。乃捨舊校。惟新是圖。於是據石碑。俯沙河。挾黃村。帶長坡。是剔是攘。卜築山河。規鴻基於萬禩。啓六院而設科。縮九州於域內。錫嘉名以謳歌。納衆景於瞻矚。慨萬象之森羅。贊宇之中。廣袤萬畝。宮穹窿而七雉。列千門與萬牖。隨山聳擢。上凌箕斗。塗以雲霞之彩。鑲以虬龍之首。閣連雲。簷蔽日。繚朱欄。砌玉磴。景曜輝。麗艷溢。廣路縱橫。九曲

十回。飛輪馳逐。鳴風薄雷。爾其爲界也。西起崑崙。北沿蒙古。東對蓬萊。南止合浦。黃河貫其北。擬懋績於神禹。長江走其南。實出入之門戶。其山則五嶽兀峙。崢嶸迢嶂。龍門斷天險之坡。峩眉聳長春之翠。鳳凰雁蕩。羅浮九連。仙霞紫金。太行玉泉。雲嶺交趾。天柱燕然。星列棋布。網羅壁聯。戈壁起四合之塵。五指入九重之淵。樹豐碑於岡頭。期教訓以十年。敬興學而務農。並鑿石於山巔。其水則東有昭陽之瀾漫。西有洞庭之洪濤。巢湖洪澤。並艇連艘。洋溢浩汗。澎湃奔滔。白蘋墜露。岸芷凝膏。忽金風之飄颻。驚鴻雁之翔翱。爰有銅像。東鄰是遺。奠之高岡。指搗蚩蚩。於皇孫公。萬世之師。穆穆熙熙。念茲在茲。覆載天地。無間華夷。昭儀型於千載。伸三五於四維。將令元元之民。懷德遐想於無既焉。其禮堂也。規天矩地。八窓洞達。刻桷丹楹。九階閎濶。陳鐘兮設鼓。習禮兮聞樂。講道兮觀德。先博兮後約。沐風化雨。起剛強於微弱。繼往開來。荷聖哲之寄託。舞靈籥。薦瑤爵。歌召南。振木鐸。永永崇嚴。殷殷蟠礴。左則文苑之館。彬彬君子之風兮。右則法律之肆。紛紛刑名之術兮。次則理工之宅。各周附而東西。殿以農室。曄若金閨。樓士之所聯床接位。覆疇垂簾。齊一盛貴。其居此者。蓋以萬數。闢高軒。聳綺扉。拓甬道。張青幃。上庠下序。東堂西塾。流翰墨之芬霏。紛道藝之馥郁。魚魚雅雅。融融肅肅。仁義行由。廉恥孕育。又有玉軸牙籤。圖書之庫。一車五車。千笥萬笥。四部七略。山經地志。籀秘閣之藏。析河間之句。譯五方之文。補六籍之義。旁行斜上。駢比倫類。魯魚亥豕。稽考同異。因材份之所近。各披章而自致。又有珍瑰奇玩

博物之苑。魴鱣鱖蝸。朱霞瑩琬。獻彩浮光。奪潤赫烜。珊瑚玉樹之葩。羅之異國。玻璃玳瑁之品。採諸絕域。五夜十流之寶。八瓊九鼎之飾。三代兩漢之彝。六朝二宋之刻。堆案盈箱。充棟溢極。璀璨繽紛。眩目昏色。視形色而求觀摩。增淵聞而博廣識。又有測景觀象。天文之臺。瑤樞夜朗。光澈纖埃。羅四氣。應六雷。包四遊。舉八垓。藉璿璣以窮理象。憑玉衡以測星辰。齊其七政。率彼萬民。聯赤黃之交。互釐子午之直。伸化日重熙。思若有神。其儀器則氣液光磁。聲雷力熱。乾燥蒸溜。冶金斷鐵。吹管洗瓶。分解屈折。推事物之常理。求宇宙之明滅。觀變化於無窮。立公例之大別。大旱起雨。嚴暑凝雪。利用厚生。功

技偉烈。若乃山原道左。喬木菁菁。連理并枝。交榦合莖。如翠蓋之高張。似錦幙之低橫。椴梅梅栴。杉柳檉橙。椴栴檉橙。椴栴檉橙。鬱鬱含英。欣欣向榮。叢竹挺萬竿之秀。甘藷長百尺之萌。丹荔耀二寸之珠。黃蕉照半月之明。一年所營。不須荷耒。四時之穫。何待耨耜。伊彼柔桑。純精箕星。含鮮吐翠。如玉斯瑩。乃北方之精美。來播植於層城。擢四衢而傳三輔。懿雨雨而成行。其茶則龍牙雀舌。雪浪雷芽。含膏潑乳。品玉團花。松風鳴向曉之香。竹澗流落日之霞。粟花浮綠。雲脚輭遮。團成錦簇。彌望無涯。爾其率師整旅。講武興軍。齊步伐。合同羣。聲吞喬岳。雁陣行分。叱咤則風雲變色。喑鳴則雨露披紛。申令



農場園藝股「黃皮」「酸桃」「菠蘿」混作菓園之一部分

禦強禦侮。著律克苦克勤。豈徒放意於篇章。更將致力乎功勳。唯明恥以教戰。用昭垂於令聞。又復百鍊其身。繫體育以爲始。臨冰走履。打槳急駛。投五尺之銅矛。跳紫縈之長蕪。擲一團之蹴鞠。發天山之弧矢。龍翔虎視。鵬張燕弛。唯上唯下。知進知止。仲夏之月。弄潮舞水。白練橫江。游魚比美。泛浴沂之咏。吸洧溱之泚。紛紛翻翻。濺騰靡已。婉如長蛇之出沒。適比鴻鵠之驚起。亦所以禦侮於方來。而伸威武於邊鄙也。余詞未畢。客起謝曰。文豐事竣。可謂善言矣。退而濡筆。謹拜手稽首而頌之。其詞曰。

於昭巖宮。巖宮孔崇。實維總理。慎始圖終。誰繼厥緒。弟子鄒公。履仁由義。大道爲公。入室升堂。主義是從。千秋萬代。永永無窮。

又（以得天下英才而教育之爲韻）

饒書六

橫覽珠海之間。俯瞰白雲之側。氣象萬千。風景奇特。合築講經之堂。爰作樹人之域。用中山以名校。原舒紀念之熱誠。設大學而儲才。尤望諸賢皆自得。當夫新校未建。山川蕭然。春花自笑。秋月徒妍。縱有俊傑英雄。拔劍斫地。惜無名儒學士。論道談天。今者闢草萊。築校舍。池沼開。魚龍化。或習游夏之文。或學樊遲之稼。匠心獨運。工悉裁成。理法咸通。材無中下。至若規模宏敞。舉世莫京。結構雄偉。庸俗駭驚。共嘆巍巍。表相訝鬱鬱。阻雲橫。然非百尺高樓。不足涵養湖海之氣。若無萬間廣廈。焉能盡萃楨榦之英。且也山川鍾毓。靈秀呈材。天然感召。茅塞頓開。環境最關教育。至理無待敲推。用挹湖山之勝景。藉拓天地之奇才。際茲中原板蕩。綱紀凌夷。

風雲變色。草木含悲。念危亡之挽救。舍我輩而屬誰。正宜猛著祖鞭。努力前進。勿因登樓感賦。空嘆殆而。原夫興賢育才。端資學校。定傾扶危。尤賴東膠。當此強權壓迫。絕無公理之秋。苟無科學發明。難圖救國之效。惟願自惕自勵。庶幾學業之早成。還期如琢如磨。各盡因材而施教。於斯時也。化雨同沾。春風共沐。進世界於大同。宣主義於九服。或趨或步。悉遵國父之遺型。爲國爲家。細體三民之化育。予也龍門幸託。鯉化待時。忝參盛會。謹肅容儀。慶萬衆之同心。經營就緒。念百年之樹德。勳業昭垂。美奐美輪。喜有徵文之雅爾。爰居爰處。慚無麗句以賦之。



農場園藝股「菠蘿」「淮枝」混作菓園之一部分

詞

國立中山大學新校舍落成紀念

楊熙績

今之士賤丈夫焉而已。漢兒偏欲學胡兒。豈其心死人

又 解佩令

黃學周

珠江翠繞。嶺雲碧護。正萬間廣廈新巒。鹿洞河汾。聽絃歌。今超前古。坐春風。菁莪無數。十年生聚。十年教訓。為將來。沼吳平虜。革命策源。把民族。一肩擔負。望宮牆。南天凝佇。

又 清平樂

蕭友梅

春風桃李。不負殷勤意。十載深根。根着地。南國絃歌重理。金聲綸綍。堂堂從看遺愛。甘棠千古。前鋒垂訓。大。同日月齊光。

又

廣東全省商會聯合會執行委員 徐悠泉

步鄭板橋題蘭竹石詞韻(調寄一剪梅)

萬千竹木蔚于蘭。那覺昏殘。那覺秋寒。森森遠接白雲端。新我湖山。壯我河山。石牌蕪穢一時刪。地也寬閒。物也爛斑。漫將斯地等閒看。教育機關。化育機關。

又 畫屏秋色

譚震歐

郭外雲山巖。入畫圖。隱隱石牌西北。高棟重檐。玲瓏盤鬱。千霄迎日。動綿載經營。落成新厦。功赫赫。十二樓。霞蔚碧。值開幕。良辰。玉鞭紅袖。料有三千珠履。星臨雲集。歡夕筵。開綺陌。聚一堂。猷弘才碩。瑤琴瓊瑟。清風皓月。倚樓聽笛。喜對此。巍峨巖宮。催披金琢壁。鍛鍊魄。驂鳳翼。謾陶冶。干將。建旗拔幟。異域。題墨。畫屏秋色。

又 上陽春

吳三立

將相食我安歸。滔滔天下皆是。喜此地。山林啓笑。向春風桃李。中行狂狷。盡弦歌。英才盛矣。固知天未喪斯文。八代之衰。可起。十年事。興廢張弛。獨先生鼎湖揮涕。有志竟成如此。遇盤根錯節。頻繁。器似莫耶。話。何曾餒。

(右調西湖)

聯

中大成立十週年及新校舍落成紀念

于學忠拜賀

廣厦宏開盛梁棟
英才樂育著菁莪



農場蠶桑股荆桑之一

又

傅汝霖敬賀

總理眷顧。作人乘昔。洵潮流。樹立育才。橫序同寅。憂勞興國。造茲莘莘。學子收回。侵地。與圖

又

廣西省普及國民基礎教育研究院 恭賀

立五千年歷史。未有之規模。無負最高學府。肩四百兆民族。復興之使命。不忘下層根基。

賀詞

國立中山大學十週年紀念暨石牌新校舍落成典禮

漢民集字敬題

遠大之規

於國有造

蔣中正

成德達材

班禪額爾德尼

།། །དབང་པོ་ཚད་མེད་འཕེལ་བའི་སྐྱེས་ལོ་ལྷན་དུས།།
བརྗོད་པ་གསུམ་དུ་སྤྲོད་མཁེལ་གྱི་ལོ་རྒྱུས་ལ་བཟང་གོ་ལ་བརྒྱུས།།

李宗仁敬贈
白崇禧

南方之強

強我民族 (銀鼎題詞)

國立中山大學成立十週年及新校舍落成紀念特刊

黨化教育


中國國民黨湖南省黨部敬祝

陶鑄英才

中國國民黨庇能支部執委會敬祝

樹人

中國國民黨駐南洋荷屬巨港支部敬祝



農場蠶桑股荆桑之二

窮蹟探巒

(橫鏡屏題詞)

林雲陔敬祝

圖陳無逸

(匾額題詞)

廣西省政府主席黃旭初敬賀

文化建設 (銀盾題詞)

河北省政府主席于學忠敬贈

黨國之光

安徽省政府主席劉鎮華敬祝

民族菁英

宋哲元敬祝

學府恢閔

國立編輯館長辛樹幟敬祝

械樸作人 (橫額題詞)

國立北京大學校長蔣夢麟

智府宏開

清華大學校長梅貽琦敬祝

日進無疆

國立浙江大學謹祝

廣庇多士 (橫額祝詞)

交通大學敬祝

體大用宏

黎照寰敬題

南服之英

光華大學校長張壽鏞敬祝

明德新民

南大附商校長李鴻勳敬祝

又 國立音樂學院專科學校校長蕭友梅敬祝

日新其德 (中堂題詞)

北平燕京大學新聞學系敬祝

美輪美奐

江西省立工業專科學校
江西省立醫學專科學校敬祝

桃李挺秀

大公職業學校校長林美衍敬祝

廣廈連雲

李綺庵敬祝

百年樹人 (銀盾祝詞)

劉瑞恆敬題

為國育才

吳鐵城敬祝

樂育英才

余漢謀敬祝

百年樹人

林翼中敬祝

遵總理之遺訓

期主義之實行

區芳浦敬祝

菁莪喜樂 (銀鼎題詞)

區芳浦敬贈

精神生活 (銀盾題詞)

黃麟書敬祝

國民革命策源地三民主義

總樞機樹人建國奠基於斯 (鏡屏題詞)


陸匡文敬賀

百年大計

多士歡顏 (鏡屏題詞)

又 河南省政府秘書長馬元材敬祝

大學之道在明明德在親民在止於至善



農畜場牧股荷蘭乳牛之一部分

勤勤大學敬祝

萬間底士

百年樹人 (鏡屏祝詞)

嶺南大學敬祝

鴻化觀成 (橫屏祝詞)

江蘇省立教育學院敬賀

蔚為國華

第一集團軍空軍司令部航空學校敬祝

宏育菁莪 (鏡屏題詞)



農畜場牧股廣東豬之一部分

爲國育才

又 安徽省政府委員

劉貽燕 王印山
馬凌甫 李應生
毛龍章 范滋澤
楊龍康 敬祝
楚偉經



中區綏靖委員范德星敬祝

菁莪樂育 (銀鼎題詞)

唐瀨青敬祝

百年樹人

又

溫泰華 黃冠章
翁式亮 李景熙
鍾毓靈 曾強敬祝
李鶴齡 馮作勳

明新至善 (鏡屏祝詞)

棟國育才

又

雷鳴敬祝

矯巷游龍 (銀鼎題詞)

第四集團軍駐粵辦事處敬贈

又

第四集團軍駐粵辦事處主任王遜志敬贈
副主任關宗驊

自強不息 (銀鼎題詞)

翁式亮敬賀

爲民前鋒 (長鏡祝詞)

陸幼剛敬祝

知類通達 (橫鏡屏題詞)

廣州市商會敬祝

尙武精神 (銀杯題詞)

又

津浦鐵路管理委員會委員長邱焯敬題

承先啓後 日新又新

人才薈萃 民族之英

又

上海市監委會俞鴻鈞敬題

宏闡文明

又

北平社會局蔡元敬祝

人文淵藪

又

譚煥堂敬祝

十年樹木

百年樹人

永紀鴻緒

又

楊光湛敬題

共建新猶 (集張遷碑字)

天參造化

繼往開來

天南才庫

又

中國國民黨駐暹羅總支部常委何平吾題
第五次全國代表大會出席代表

械樸作人



農畜牧場單冠白力行雞之一部分

農畜牧場廣東雞之一部分

又 中國國民黨駐暹羅總支部秘書 韓心傳題
第五次全國代表大會暹羅代表

教育天下英才

又 代理中山縣教育局長李名麟敬祝

錫慶新模

又 清遠縣源潭鎮商會同人鞠躬

英才淵藪

又 香港書畫文學社敬祝

強國基礎 (橫額祝詞)

又 中國國民黨黨務整理委員會敬賀
漢口特別市

恭錄 總理遺教

凡能從知識而構成意象，從意象而生出條理，本條理為籌備計劃，按計劃而用功夫，則無論其事如何精妙，工程如何浩大，無不指日可以樂成者也。

又

五全大會 歐陽元敬祝
安南代表

以先知先覺領導全國後知後覺於無窮期

又

五全大會 李瓊生敬祝
安南代表

解除國難之基本問題，除了抗戰外就在百年樹人大計。

又

五全大會 崔國璋敬祝
越南代表

打倒獨裁後之先決問題，就在孕育黨治之新進

又

五全大會 梅芳庭敬祝
安南代表

根據 總理遺教，從心理建設，迎頭趕上去。

又

五全大會 寧鏡瀾敬祝
星洲代表


黨治下最高學府之典型

又

鄒德高敬祝

建立三民主義革命教育之新基礎。

創造天下為公世界文化的總動力。



農牧畜股北京鴨之一部分

又

劉嶽厚敬祝

大學之道，在明明德，在親民，在止於至善。知止而後有定，定而後能靜，靜而後能安，安而後能慮，慮而後能得。物有本末，事有終始，知所先後，則近道矣。古之欲明明德於天下者，先治其國；欲治其國者，先齊其家；欲齊其家者，先修其身；欲修其身者，先誠其意；欲誠其意者，先致其知；致知在格物。



農牧畜股廣東雞之第三代改良種雞之一部分